

حزب عدلیہ

۵ ربیع الاول ۱۳۲۸ ۴ مارچ ۱۳۲۶

نومرو ۷

برجی سنہ

قسط ۷۷

نوعیات عدلیہ

تشکیلات جدیدہ عدلیہ جملہ سندن اولارق سوریه ولایتی استیناف محکمہ سی اعضائی سوریه ولایتی استیناف محکمہ سی باش کاتبی خلوصی ، قوالہ قضائی ناٹی حلی ، بوردور سنجاغی بدایت محکمہ سی مدعی عمومی معاونی فوزی ، یانیہ ولایتی استیناف محکمہ سی اعضاسندن نافذ حاب ولایتی استیناف محکمہ سی اعضاسندن ساموئیل سوریه دہ دعوی وکیلی جبران لویئس ، عدلیہ دہ خدمتی مسبق سوریه دہ عبدالمسیح افندیلرہ ولایت مذکورہ استیناف اعضا ملازمہ کی سوریه بدایت محکمہ سی باش کاتبی خیری وولایت مذکورہ تجارت محکمہ سی اعضاسندن عبدالعزیز افندیلرہ ولایت مذکورہ بدایت محکمہ سی مدعی عمومی معاون لکی مکتب حقوق اعلی درجہ دہ مآذونلرندن سوریه دہ دعوی وکیلی سعید افندیہ ولایت مذکورہ بدایت محکمہ سی اعضائی سوریه مقاولات محرری حمدی ، مکتب حقوقندن اعلا درجہ دہ مآذون صلاح الدین ، ولایت مذکورہ بدایت محکمہ سی اعضا ملازمی عبداہ مالک افندیلرہ کذا تشکیلات جدیدہ عدلیہ جملہ سندن اولارق حما سنجاغی بدایت محکمہ سی اعضائی سوریه ولایتی بدایت محکمہ سی جزا دائرہ سی باش کاتبی حسنی ، قدس شریف



سنجانی بدایت محکمه سی مستنطق سابق حسن کتبی ، لینی سنجانی بدایت محکمه سی باش کاتبی نعوام نجاتی ،
 هما سنجانی بدایت محکمه سی اعضا ملازمی اسکندر شعلووی افندیله یانیه ولایتی استیناف محکمه سی
 اعضائی ادرنه ولایتی استیناف محکمه سی اعضاسندن حاجی سالم افندی به ادرنه ولایتی بدایت محکمه سی
 اعضائی کوملجه سنجانی بدایت محکمه سی اعضاسندن فخری افندی به کوملجه سنجانی بدایت محکمه سی
 اعضائی لواء مذکور ایکنجی مستنطق محمد علی افندی به حلب ولایتی استیناف محکمه سی اعضائی انقره
 ولایتی استیناف محکمه سی اعضاسندن ایساق قاربو افندی به قرچوه قضاسی بدایت محکمه سی جزا دائره سی
 ریاستی پرله قضاسی بدایت محکمه سی مدعی عمومی معاونی احمد علی افندی به پرله قضاسی بدایت محکمه سی
 مدعی عمومی معاون کی طاشلیجه سنجانی بدایت محکمه سی اعضاسندن مدحت افندی به طاشلیجه سنجانی
 بدایت محکمه سی اعضائی لوروس قضاسی بدایت محکمه سی اعضاسندن فخر الدین افندی به اسکیشهر قضاسی
 بدایت محکمه سی مدعی عمومی معاون کی ادرمید قضاسی بدایت محکمه سی مدعی عمومی معاونی زهدی بکه
 ادرمید قضاسی بدایت محکمه سی مدعی عمومی معاون کی آقشهر قضاسی بدایت محکمه سی مدعی عمومی
 معاونی صالح فهمی افندی به آقشهر قضاسی بدایت محکمه سی مدعی عمومی معاون کی کسریه قضاسی بدایت
 محکمه سی مدعی عمومی معاونی اسماعیل حق افندی به کسریه قضاسی بدایت محکمه سی مدعی عمومی
 معاون کی مارغلیچ قضاسی بدایت محکمه سی مدعی عمومی معاونی یوسف ضیا افندی به ترغویشته قضاسی
 بدایت محکمه سی مدعی عمومی معاون کی عثمانیه اعضاسندن وهبی افندی به خنس قضاسی بدایت محکمه سی
 جزا دائره سی ریاستی بایورد قضاسی بدایت محکمه سی جزا دائره سی رئیس ثروت افندی به میس بدایت
 محکمه سی ریاستی ساقز سنجانی مستنطق علی علوی افندی به جانیک سنجانی بدایت محکمه سی اعضائی
 منلیک قضاسی بدایت محکمه سی اعضاسندن ایلیا افندی به کوریجه سنجانی بدایت محکمه سی اعضائی
 استروجه قضاسی بدایت محکمه سی اعضاسندن طومه افندی به تقویض بیورلش وانقره ولایتی استیناف
 محکمه سی اعضاسندن دیران افندی ایله ادرنه ولایتی استیناف محکمه سی اعضاسندن یوردان ثریا افندی
 بجایشاری اجرا قلنش ومومی الهمدن محلف اولیانلرک اجرای تحلیفلی در دست بولنشدر .

انقره ولایتی استیناف محکمه سی اعضا لنگه سلانیک ولایتی استیناف مدعی عمومی میلکی معاون ثانیدی
 بدوسا کی افندیکن آنک یرینه مکتب حقوق مأذونلرندن دعوی وایی محمود جلال الدین بکک سوریه ولایتی
 استیناف محکمه سی اعضا لنگه محکمه مذکوره اعضای سابقه سندن خلیل عیسی افندیکن اسپارته سنجانی
 بدایت محکمه سی مدعی عمومی معاون لکنه بنگازی سنجانی بدایت محکمه سی مدعی عمومی معاون لکنندن
 مستغنی نشأت افندیکن بوردور سنجانی بدایت محکمه سی مدعی عمومی معاون لکنه طاشلیجه سنجانی بدایت
 محکمه سی مدعی عمومی معاون سابق علی رضا افندیکن پولهنر بدایت محکمه سی ریاسته مکتب حقوق
 مأذونلرندن احمد نظمی افندیکن پکلین قضاسی بدایت محکمه سی مدعی عمومی معاون لکنه یانیه ولایتی مرکز

بدایت محکمه سی باش کتابتندن مستغنی رفیق افندیکن قوچحصار قضاسی بدایت محکمه سی مدعی عمومی
 معاون لکنه مکتب حقوق مأذونلرندن محمد عرفان افندیکن مناستر ولایتی مرکز بدایت محکمه سی اعضا لنگه
 درامه سنجانی بدایت محکمه سی اعضاسندن طودورا کی پاپانیا کی افندیکن انطالیه سنجانی تجارت محکمه سی
 ریاسته بنگازی سنجانی تجارت محکمه سی رئیس خالد افندیکن نقل و تعینلری خصوصه اراده سنیه جناب
 پادشاهی شرفعلیق بیورلش وموما الهمدن محلف اولیانلرک تحلیفلی در دست اجرا بولنشدر .

حله قضاسی بدایت محکمه سی جزا دائره سی ریاسته محکمه مذکوره مدعی عمومی معاونی صالح افندیکن
 تعینی خصوصه اراده سنیه حضرت پادشاهی شرفعلیق بیورلش وموما الیه ذاتا محلف بولنشدر .

انطالیه سنجانی بدایت محکمه سی جزا دائره سی رئیس شوکت افندیکن مرعش سنجانی بدایت محکمه سی
 جزا دائره سی رئیس حمدي افندی ایله وانطالیه سنجانی بدایت محکمه سی مدعی عمومی معاونی علی رضا
 افندیکن توقاد سنجانی بدایت محکمه سی مدعی عمومی معاونی حسن فهمی افندی ایله اجرای بجایش
 مأموریتلری خصوصه اراده سنیه جناب پادشاهی شرفعلیق بیورلش ومومی الهم ذاتا محلف بولنشدر .

تلیفات عمریه

عدلیه نظارت جلیله سنک ۱۴ شباط سنه ۳۲۵ تاریخی تحریرات عمومیه سیدر :

« مقاولات محررلری طرفندن تصدیق اولان سنداده محرر شرحلرک رسم تمقادن

معافیتنه دائر »

مقاولات محررلرک نجه تصدیق ایدیلان بعض اوراقه شاهدلر طرفندن یازیلان شرحلرک شهادتی تضمن
 ایتسندن دولای ایکی غروشلق پوله تابع اولسی ایجاب ایده جکنه دائر دیون عمومیه قومیسر لکیله بعض طشره
 دیون عمومیه مدیرتیلرندن واقع اولان مدعیات اوزرینه بالخاصه بوکره مالیه نظارت جلیله سندن وارد اولان
 تذکره ده مقاولات محررلرک نجه تصدیق ایدیلان اوراق اوزرنده یالکز مهر وامضائی مصدق اوله رق شهود
 طرفندن یازیلان شرحلرک تمغا قانوننک یکرمی برنجی ماده سنک یکرمی یدنجی فقره سی موجب نجه تمغاسندن
 معاف اولدینی کی مقاولات محررلرکی نظا منامه سنه توفیق معامله ایچون تصدیق مهر وامضائی متضمن بولان

مذکور شرحلره علاوه ایدیلان عبارات دخی مقاولات محررلری حضورنده رسماً واقع اولان بیاناتی مهر و امضا آلتنه آلمقدن عبارت اولسنه و ماده مذکورنک سکسان الی نومرولی فقره سنده دواثر رسیده نیک سوال و استیضاحی اوزرینه افراد طرفندن یازیله جق جوابلرک تمغارسندن معافیتی محرر بولنسنه کوره عبارت مذکورندن دولای دخی رسم مذکورک اخذی ایجاب ایتیه چکی نمغا قانونی تدقیق قومیسونی افاده سنه عطفاً بیلدیرلش و دائره مأموریتلری داخلنده بولنان محاکمه لاجل التبلیغ اشبو تحریراتک نسخ مطبوعه کافیه سی لفاً ارسال قلمش اولغله اکا کوره اجرای ایجابی سیاقنده شقه ترقیم قلندی .

عدلیه نظارت جلیله سنک ۱۸ شباط سنه ۳۲۵ تاریخلی تحریرات عمومی سیدر :

« مقاولات محررلری حاصلاتک کونی کونه مال صندوقلرینه تسلیمه دایر »

مقاولات محررلکری حاصلاتک بعض طرفلره مال صندوقلرینه تسلیم ایدلمه مکده اولدیغندن بحثله عموم وارداتک مال صندوقلرینه تسلیم ویا جمله مصارفاتک اعطا ایدیله چک مأذونیت دائره سنده ینه مال صندوقلرنجه تسویه سی مقتضی اولدینی کی حاصلات مذکوره حقنده اولوجهله معامله ایفاسی طبیعی بولندینی اوزره مذکور حاصلاتک کونی کونه مال صندوقلرینه تسلیمی خصوصتک لازم کلنلره تبلیغی محاسبه افاده سیله تأییداً بیان اولنور .

عدلیه نظارت جلیله سندن تعمیماً تسطیر اولنان ۲۲ صفر سنه ۳۲۸ و ۲۰ شباط سنه ۳۲۵ تاریخلی تذکره صورتیدر :

« طرابلس غربیه عائد تلغرافنامه لک قابلودن و بنغازی به متعلق بولنانلرینک تلغز تلغرافن امرارینه دایر »

۹ شباط سنه ۳۲۵ تاریخلی تذکره ذیلدر : طرابلس غرب ایله بنغازی به عائد رسمی تلغرافنامه لک علی اکثر قابلو طریقله کشیده ایدلمکده اولسندن ناشی مذکور تلغرافنامه لک ایچون قابلو قومپانیه سنه ایزجه اجرت ویریلوب بونکده مهم بریکونه بالغ اولدینی بالتدقیق اکلاشلسنه و ذاتاً مذکور ایکی موقع آراسنده کی خطوطک اهر صره دوجار انقطاع اوله رق تأخیر مخبرانه سیدیت ویردیک مشهود بولنسنه مبنی فیما بعد هم نفع خزینه به موافق اولوق همده سرعت تماطی مقصدی تأمین ایدلمش بولنلق اوزره طرابلس غربیه عائد تلغراف نامه لک علی الاصول قابلودن و بنغازی به متعلق بولنانلرینکده تلغز تلغرافدن امراری خصوصتک تقرر ایتدیک پوسته و تلغراف و تلفون مدیریت عمومی سنک اشعارینه عطفاً مالیه نظارت جلیله سندن بیلدیرلش اولغله عندالایجاب مخبراتک او یولده اجرایی لزومی توصیه اولنور .

محکمہ تمیز قرائتی

محکمہ تمیز هیئت عمومی سندن صادر اولان ۹ صفر سنه ۳۲۸ و ۱۶ شباط سنه ۳۲۵ تاریخلی ۱۵۲۵ نومرولی اعلامک صورتیدر :

« محکمہ تمیزک وظیفه حقنده کی نقض قرارینه قارشو استیناف محکمہ سنک حق اصراری اولوب اولمادیقنه و مفلساً وفات ایدن بر تاجرک معاملات افلاسیه سنک هانکی محکمہ به تدقیقنه دوام اولنه جعنه دایر »

اسکدارده آلتونی زاده محله سنده کی خانه سنده ساکنه متوفی طنطاوی زاده خالد بک زوجہ سی ناجیه خانم ایلله متوفی مومی الیهک ماصه سی سندیکلری عثمان طلعت و یوردانا کی خرمنیدنی و مهران کورپه یان افندیلر بیننده مشکون دعویله دایر محکمہ استیناف حقوق قسمندن ۶ کانون ثانی سنه ۳۲۵ تاریخلی ویتش ایکی عدلیه ویریلوب من بوره ناجیه خانم طرفندن تمیزی استدعا اولنان اعلام حکمتک باش مدعی عمومی ملک مأموریت علیہ سنک مطالعه نامه سی آلتقدن صکره هیئت عمومی به بالتدقیق قرار سابق مقوضده ثبات و اصراری متضمن اولدینی اتفاقله قرار کیر اولغله اصول محاکمه حقوقیه قانوننک ایکی یوز قرق طقوزنجی ماده سی موجبجه اعلام مذکور طرفینک اعتراض و جواب لایحه لریله برابر محکمہ تمیز هیئت عمومی سنجه بالمطالعہ تدقیقات تمیزیه اجراسنه ابتدار اولندی .

اعلام مذکورک خلاصه مندرجاتی : تجارندن ادهم افندی ورثه سی وکیلی عادل بک متوفی طنطاوی زاده خالد بک افلاسی متضمن اعطا اولنان قرارده مبدأ افلاس ۱۸ کانون اول سنه ۳۲۴ تاریخلی کوسترلش ایهده متوفای مومی الیهک افلاسی تاریخ مذکوردن بک چوق اولنه مضاف اولغله تجارت قانوننک ماده مخصوصی حکمنه توفیقاً قرار مذکور علیهنده اعتراض الغیر ایتدیکندن بحثله ماصه سندیکلرینک جلیله مبدأ افلاسک اثبات ایدیله چک زمانه ارجاعی تجارت بحریه محکمہ سنه مراجعتله طلب وادعا و تنویر مدعا ضمننده برقطه مکتوب ابراز و اعطا ایدلمک عندالحا که سندیکلرجه مبدأ افلاسه دایر راپور اعطاسی قرار کیر اولوب تعلیق کیفیت ایدلکی صرهده متوفای مومی الیهک زوجہ سی من بوره ناجیه خانم طرفندن اعطا قلنان دخول فی الدعوی عرضالنده افلاس دعواسی تبلیغاننک قانونه موافق صورتده اجرا اولدینی کی وعده سی حلول ایتیمش بونولرله حکم ایدلمش اولدینی بیانیله افلاس قرارینک رفی ادعا اولنسی اوزرینه جریان ایدن محاکمه نتیجه سنده عبدالمسیح افندی ایلله مفلس خالد بک ماصه سی بیننده کی ایکنجی تجارت محکمہ سنده در دست رؤیت اولان اوراق دعوی مطالعه اولنهرق کشیده اولنان پروتسولر مندرجاتنه نظراً مفلس متوفانک بوندن اقدام حال عجز و افلاسه اولدینی کی ادهم افندی ورثه سی وکیلی عادل بک طرفندن ابراز اولوب مفلس متوفانک امضاسنی حاوی بولنان مکتوب مفادی دخی بونی مؤید بولنمش اولغله افلاس تاریخنک مذکور پروتسولر تاریخلی اولان ۹ کانون اول سنه ۳۲۱ تاریخنه ارجاعنه دایر محکمہ مذکورندن ویریلان اعلامک تصدیقی متضمن اعطا قلنان اعلام استینافینک محکمہ تمیز حقوق دائره سنجه بالتدقیق ۷ حزیران

۳۱۶ تاريخی اراده سنيه كوره حقه افلاس قرارى لاحق اولقميزين وفات ايدنلر تركه سنك تحريرى و معاملات افلاسيه سنك روتى محاكم شرعيه عائد اولدينى وشو حالده حكم ابتدائى اراده سنيه مقتدر اولان امره مخالف بولندينى حالده عندالاستيناف اعلام مستأنف بهك تصديقه قرار ويرلسنك مغايرت قانونيه سندن ناشى تقضيه كيفيتك محكمه استينافه اعاده قلمسى اوزرينه قسم مذ كورده تكرار جريان ايدن محاكمه و تدقيقات نتيجه سنده مستأنف مزبوره وكيل اعلام سابق استينافى تميزاً وظيفه نقطه سندن نقض ايدلديكى ووظيفه دن طولاي منقوض بولنان قراره قارشو محاكم حق ثبات واصرارى اولميه جنى بيانيله تميز قرارى داره سنده مستأنف به اولان قرارك فسخيله كيفيتك محكمه شرعيه حواله سى لزومى ادعا ايمكده اولوب حالوكه محكمه تميزجه خصوص مدعا به عائد اولدينى محكمه به حواله اولقميزه نقض واقع داره سنده كيفيتك بالرؤيه اعلامه ربطى ضمننده محكمه استينافه اعاده ايدلمش و بر اعلام اصول محاكمه خطا وقوعدن دولاي نقض اولندينى حالده سبب نقض اتخاذ اولنان احوالدين مؤخر اجرا قلنان محاكمات ايله اتخاذ ايديلان مقررانك مرعى و معتبر اولمايه جنى اصول محاكمه حقوقيه قانوننك ايكي يوز قرق دردنجى ماده سنده بيان ايديلهرك سبب نقض اتخاذ اولنان كيفيتك بدايت قرارندن مقدم نظره القمى لازم كلان احوالدين بولنش اولمسه مبنى نقض واقع كوره اول و آخر ويرلان مقررانك منقوض عد اولمى لزومى دركار اولغله برابر محكمه تميز بر دعوائى وظيفه جهتندن نقض ايتديكى حالده عائد اولدينى محكمه به حواله ايديله جكنه دائر اولان قانون مذ كورك ايكي يوز قرق اوچنجى ماده سى دخى بر كونه قيد قانونيله مقيد اولمايوب مطلق بولنش اولديغندن وكيل مومى اليهك محكمه تميزجه كيفيتك عائد اولدينى محكمه به حواله اولقميوب يالكمز نقض ايله اكتفا اولمى محكمه استينافيه جه اعلام ابتدائينك فسخ اولنمايوسدن ايلرو كلديكى يولنده سرد ايدلديكى افادائى قبوله شايدن كوريله مديكى مثلاً و قرار منقوضه قارشو محاكم ثبات واصرار ايديله بيله جكنى ميين اولان قانون مذ كورك ايكي يوز قرق طقوزنجى ماده سنده دخى بر اعلام وظيفه جهتندن دولاي نقض اولندينى حالده محاكم حق اصرارى بولنديغنه دائر بر قيد اولمايوب اسباب تقضيه على الاطلاق ذكر و ايراد ايدلمش و بناء عليه بر اعلام هانكى سببه مبنى نقض اولنورسه اولسون محاكم قرار منقوضه حق اصرارى اوله جنى بديهى و مستأنف مزبوره وكيلنك سرد ايدلديكى احوال وظيفه دن دولاي نقض اولنان اعلاماره قارشى محاكم حق اصرارينك نقدانسه دلالت ايدميه جكى تفصيلات مبسوطه ايله امر جلى بولنديغنه بناء وكيل مومى اليهك غير وارد كوريلان اعتراضاتك ردينه و اعلام مستأنف به عليهنده جريان ايدن محاكمه نتيجه سنده طنطاوى زاده خالديك وفاتندن اول تعطيل تاديات ايلسى اوزرينه عبدالمسيح قزاريان افندى طرفندن ۲۱ اغستوس سنه ۳۳۴ تاريخنده ايكنجى تجارت محكمه سنده اعطا قلنان افلاس استدعائى ايله بدأ ايدن معامله كافى اعلام ابتدائى اسباب موجبيه مستند و معاملات افلاسيه به تجارت محكمه سنجه دوام اولمى موافق قانون اولغله اعلام مستأنف بهك تصديقه قرار ويرلمش و قرار مذ كور موافق قانون كورولمش اولديغندن اصول محاكمه حقوقيه قانوننك ايكي يوز قرق طقوزنجى

ماده سى محكمه توفيقاً قرار مذ كورده ثبات واصرار اولمسه سندن مستند مزبوره ناجيه خانم وكيلنك اشبو حكم عليهنده لايحه سنده محرر اعتراضاتك باشليجه سى اصول محاكمه حقوقيه قانوننك مواد معلومه سى احكامندن استنباط اولنان حاله نظراً بر اعلامك وظيفه وصلاحيت نقطه سندن تميزاً نقض واعاده سنده حكمى اعطا ايدن محكمه نك محاكم اجرانسه حاجت اولقميزين تميز قرارينه اتباعه مجبوريتى دركار اولغله برابر اصرار و يا اتباع شقزندن برينك تقدير و اختياري دخى كيفيتك منقوضاً محكمه سنده اما سنده متوقف اوله رق حالوكه بر اعلامك وظيفه وصلاحيت نقطه سندن نقضى حالده كيفيتك عائد اولدينى محكمه به حواله سى قانون مذ كورك ايكي يوز قرق اوچنجى ماده سى موجبجه محكمه تميزك جمله صلاحيتندن اولمى دلالتيله بومثللو احواله حكمى اعطا ايدن محكمه به تميز قرارينه قارشى شقزندن برينك اختياري امرنده برحق تقدير متصور اولمديغنه ودعوائى واقع حقه كى اعلامك وظيفه نقطه سندن نقض اوله رق محكمه استينافه اعاده سى نقض واقع اوزرينه امر فسخى استينافى محكمه سنده عائد ميداده بردايت حكمك موجود اولمسه مستند اولدينى و بناء عليه محكمه استينافيه جه شومقصد اعاده تأمل اوله رق تميز قرارينه اتباعاً حكم ابتدائى مذ كورك بانفسخ كيفيتك محكمه شرعيه به حواله سى مقتضى بولندينى حالده اصول محاكمه حقوقيه قانوننك سالف الذكر ايكي يوز قرق اوچنجى ماده سندن بر قيد قانونى ايله مقيد بولقميوب مطلق بولنسندن و اعلامك بعدالنقض استينافه اعاده اولمسندن بحاله اصرار و يا اتباع بحثنده بوحق تقديره ذهاباً برمنوال محرر تميز قرارينه قارشى اصرار اولمى اصوله متعلق توانسندن اولدينى و عندالاستيناف حق اصرارك موجوديته قرار ويرلدكدن و خصوصات سائرده جارى اولدينى وجهله تميز قرارينه اتباع و يا اسكى قرارده اصرار اولمى لازم كلوب كليه جكنك محاكمه سنده ابتدار ايله طرفينك بونقطه دهكى ادعا و مدافعائى دخى استفسار قلندقدن صكره وظيفه جهتك حله كيريشامك واجبات قانونيه دن ايكن عندالاستيناف شوصورتله تدقيق معامله ايدلماش بولندينى كى تجارت قانوننك يوزسكان آلتنجى ماده سى احكامنه توفيقاً اوچيوز اون الى سنده سى حزينانه قدر بعدالوفات افلاس حكمى ويرلمكده اولدينى حالده سنه مذ كوره حزيناننده شوراي دولتجه تنظيم و مجلس و كلاجه بالتذكر اراده سنيه اقتران ايله جريده محاكمه اع لان بيوريلان مواد قانونيه ده بر كسه نك قبلالوفات افلاسى حكم و اعلان اولنش ايسه بعدالوفات تجارت محكمه سنجه معاملات افلاسيه سنده دوام اولمى فقط حال حياتنده افلاس قرارى ويرلماش اولدينى تقديرده مفلساً وفات ايدنلر هيج بر قيد تحتنده اولقميزين صورت مطلقه ده تركه سنك تحريرى محاكم شرعيه عائد بولندينى محرر اولوب شو حالده حال حياتنده محاكم تجاريه جه افلاسنه حكم و كيفيت افلاسى اعلان اولقميزه رق مفلساً وفات ايدنلر تركه سى موجب تحريرو اولسون اولسون هر حالده بعدالوفات افلاس قرارى ويرلمى جائز اوليوب تركه سنك محكمه شرعيه واسطه سييله لزوم تحريرى دركار و مواد اخيره قانونيه نك ديكر بر قانون ايله فسخ ايدلمكجه تجارت قانوننك آتف البيان يوزسكان آلتنجى ماده سندن مرعيتى قابل اولميه جنى و اساساً تجارت بحريه محكمه سنجه ويريلان افلاس

قرارندن درت آی اول عبدالمسیح افندی طرفندن ایکنجی تجارت محکمه سینه افلاس طلبنی متضمن ویریلان استدعایک معاملات افلاسیه به مبدأ عد ایدلیدیکندن وشو حالده قبل الوفات افلاس معاملتیه بدأ ایدلمش اولمندن دولای درجه اولی محکمه سی اعلامک تصدیق اولمشی صوریه شورای دولت قرارینک مرعیتی استینافاً دخی بالقبول انجق مندرجاته یا ککش معنی ویرلدیکی بدیهی و آشکار اولمسه ومع هذامومی لیه عبدالمسیح افندی طرفندن ویریلان استدعایک افلاسه حکم ایدن تجارت بحریه محکمه سینه ویرلیوب ایکنجی تجارت محکمه سینه ویرلسی و مذکور استدعا اوزرینه طرفین حضوریه اصولاً محاکمه سبق ایتماسی وهر استدعا قبل الحاکمه افلاس حکمنی انتاج ایدمه مکله برابر یا لکز راستدا ویرلمکله افلاس معاملاتیه بدأ معناسی ده ویرلمه میه جکی طبعی بولمسه بناء حکم استینافیه کی غرایب و محکمه تمیز حقوق دائره سنک قرارنده کی اصابت بسط بر معادله ریاضیه کبی مشیت و متحقق بولند یغندن بجنه اعلامک تقضی و لایحه جوابیه موداسی دخی اعتراضات مسروده نک واهی و بی اساس اولدینی بیانیه ردی و اصول و قانونه موافق اولان اعلام مذکورک تصدیق استدعاسندن و آقب البیان مطالعه نامه مالی ده دعوانک محکمه شرعیه به لزوم حواله سینه دائر اولان اعتراضک غیر وارد اولدینی بیانندن عبارت بولمشدر .

ایجابی لدی المذاکره : اعلام اخیر استینافی حقدنه تمیز دعوایه قیام ایدن ناجیه خاتم وکیلنک بالاده بیان و حکایه قلنان لایحه اعتراضیه سی تلخیص اولند قده اساساً ایکی نقطه به متفرع اولدینی مفهم اولوب بولردن برنجیسی محکمه تمیزک وظیفه جهتندن تقض ایدلیدی بر اعلامک تعلق ایدلیدی دعوانک طوغریدن طوغری به محکمه عانده سینه حواله صلاحیتی حائر اولمندن ناشی بویوله ویریلان مقررات تمیزیه به قارشوهر نه سببیه اولور ایسه اولسون ایش اعلام منقوضی ویرمش اولان محکمه به تکرار سوق اولند قده او محکمه نک حق اصراری موجود اولمادینی جهته محکمه استینافک وظیفه مسئله سنجه اصراری متضمن اولان اعلام اخیرنک بوسیدن طولانی تقضی لازم کله جکی بیاناتی و بوباده کی اصول محاکمات حقوقیه قانوننک مواد معلومه سی احکامی موضح و بیانات مذکوریه مؤید و مصدق اولق اوزره بعض افاداتی حاوی اولدینی کبی ایکنجیسی دخی احوال نمائنده مابه التطبيق اتخاذی ایجاب ایدن و ۳ حزیران سنه ۳۱۶ تاریخی تذکره ایله تبلیغ اولنان اراده سنیة حضرت پادشاهی منطوقنجه وفاتندن اول محکمه متعلقه سنجه اجرای معامله به مباشرت ایدلمش اولان مفلسک بعد الوفات ترک سینه محکمه شرعیه جانبندن مداخله اولمیه رق افلاس معامله سینه دوام اولمشی وعکس حالده ترک مفلسک محکمه شرعیه به قاعده تحریر ایدلمشی اصولنک مرعیتی منقضی اولوب طنطاوی زاده متوفی خالد بکک ایسه قبل الوفات افلاسه حکم اولنماش و وفاتندن صکره جریان ایدن معاملات افلاسیه نک دخی مرجع رؤیت دعوی اولان محکمه شرعیه دن ایشی تجارت محکمه سینه نقله سبب اوله میه جکی درکار بولمش اولدینی در میانیه هیئت استینافیه نک حق اصراری حائر اولدینک قبولی حالنده دخی اعلام اخیرک بوسیدن طولانی شایان نقض ایدوکی مرکزنده بولمش اولمندن ناشی اول امرده حق

اصرار مسئله سی موقع بحث ومذاکره به قونیه رق سالف البیان اصول محاکمه حقوقیه قانوننک استناد ایدیلان ایکی بوز قرق اوچنجی ماده سنده بر اعلام محکمه نک عدم صلاحیت و وظیفه سندن طولانی نقض اولمش اولدینی حالده محکمه تمیز دعوانک رؤیتی طوغریدن طوغری به عايد اولدینی محکمه به حواله ایدر دیو محرر اولمسه و بویوله صادر اولان مقررات تمیزیه اوزرینه احد طرفیندن محکمه عانده سنده اقامه دعوی اولمیوبده اعلام منقوضی ویرن محکمه به مراجعتله و نقض اعلامنک ابرازینه حکم سابق منقوضه اصرار اولمشی طلب وادعا ایدلیدی و محکمه جهده شو مراجعتک قبولیه اصرار قراری ویرلدیکی تقدیرده ایشو ایکنجی قرارک اودعوی حقدنه کی حق حاکمیتی محکمه تمیز اعلامیه مرتفع اولمش اولمسه نظراً دائره صلاحیت و وظیفه خارجنده ویرمش عد و اعتباریه تقضی درکار بولمش ایسه مسئله حاضرده محکمه تمیزک ماده مذکورده محرر صلاحیتی استعمال ایتوب محکمه استینافه تودیع و حواله کیفیت ایتیش اولمسه کوره هیئت استینافیه نک دخی اصول مذکورک ایکی بوز قرق طقوزنجی ماده سنده کویترلدیکی اوزره قرار سابقنک اصابتی تأییداً ایکنجی دفعه اتخاذ قراره صلاحیتدار اولمشی محکمه تمیز اعلامنک حواله کیفیت متضمن اولان فقره سنک ایجابات طبعیه و قانونیه سندن بولمش اولدینندن مستدعی تمیزک برنجی اعتراضی اسباب محرره دن ناشی غیر وارد اولدینی کبی ایکنجی اعتراضی تشکیل ایدن حکم استینافینک اصول و قانونه مغایرتی جهته کلنجه : بو باید تمسک واستناد ایدیلان و ۳ حزیران سنه ۳۱۶ تاریخی تذکره ایله تبلیغ اولنان اراده سنیة منطوقنجه بر مفلسک بعد الوفات معاملات افلاسیه سینه تجارت محکمه سنجه دوام اولمشی قبل الوفات افلاسه حکم وقرار ویرمش اولمشی قیدیه مشروط اولمایوب تجارت قانوننامه هایونی احکامی دائره سنده مفلسک وفاتندن اول محکمه متعلقه سنجه اجرای معامله به مباشرت ایدلمش اولمشی بعد الوفات او محکمه دوام تدقیقاته کافی اوله رق بو صورت تذکره به جوتنه نک سابق مندرجاتندن مستفاد اولند قده وقضاء دیونک شرعاً بین الورثه تقسیم میراندن مقدم اولمشی او کبی مفلسک ترک سینه محکمه شرعیه جانبندن مداخله ایدلماسی بولنده کی اسباب موجهه بونی تأیید ایتمکده اولدینی و ذاتاً تجارت قانوننامه هایوننک یوز سکسان التبیج ماده سنده بر تبارک وفاتی وقوعندن صکرده افلاسه حکم اولنه جنی محرر و بناء علیه بر تاجرک کرک قبل الوفات معاملات افلاسیه سنک رؤیتی خصوصنک محاکم تجارتیه عايدتی قانون مخصوصی ایجابندن بولندینی حالده مفلسک موجب تحریر اولان ترکانه محکمه شرعیه به وضع ید ایدلمکده اولمندن و محاکم مذکورده به سالف الذکر قانون تجارت احکامنجه افلاس معاملاتنک مستثنا بر حاله جریان لزومنه مبنی معاملات افلاسیه نک تدقیقاته دوام ایدلمسندن حادث اولان بر کشمکش و اختلافک حلنه حصراً وضع وتأسيس ایدلمش اولان اصول مذکور بویه بر نزاع و اختلاف موجود اولیان مسئله حاضرده مدار استناد اوله میه جنی ومع هذا طرفینک ادعا ومدافعاتندن واعلامات سابقه ولاحقه محتویاتندن وتحقیقات واقعه دن مفهم اولدینی اوزره متوفای مومی الیه خالد بکک وفاتندن اوچ آی یکریمی درت کون مقدم دفتر مخصوصنک بیک درت یوز الی نومروسنه قید ایدلمش اولان

دایساردن عبدالمسیح افندیك ۲۱ اغستوس سنه ۳۲۴ تاریخلی عر ضحال ایله افلاس قرارینه صلاحیتدار اولان ایکنجی محکمه تجارتیه بالمر اجمه کیرک میر مومی الیهک وکیرک کفیلی صراف آغوب ایچیان ایله قومپانیه سنه افلاسی طلب ایتیش و طرفین متخاصمینک جلب و دعوت اولنهرق بر درجهیه قدر محاکمه لری اجرا قلنمش اولدینی کی اخیراً ویریلان افلاس قراری منطوقجه مبدأ افلاسیك دخی تاریخ وفاتدن مقدمکی زمانه عطف ایدیلرک بو وجهله معاملات افلاسیه نك تدقیقه دوام ایدلمش اولسنه نظراً متوفای مومی الیهک حال حیاتنده محکمه متعلقه سنجه افلاس نقطه سندن حقه ده معامله جریان ایدلیکی تیین وتحقق ایدوب شوحالده محکمه استینافک قراد اخیرى قانون مخصوص حکمنه موافق اولهرق ایکنجی اعتراض دخی تفصیلات مسروده ایجابجه و عندالاستیناف حق اصرارک موجودیتنه قرار ویرلدکن صکره طرفینک بو قرار نتیجه سی اولمق لازم کلان وایشک مرجع رؤیت و تدقیقه متدائر بولسان جهت حقه ده کی ادعا ومدافعاتنک استماعندن صرف نظر اولدینی یولنده سرد وایراد ایدیلان اعتراضات سائرده جهت مذکوریه متعلق مدعیاتى جامع اولان اعلام استینافی مندرجاتنک محقق عدی لزومنی ارايه ایدن اصول محاکمات حقوقیه قانوننک ایکی یوز اوتوز یدنجی ماده سی منطوقجه وارد وموجب نقض احوال دن کوریه مامش اولدیغندن اعتراضات مسروده نك ردیه قانون مذکورک ایکی یوز قرق ایکنجی ماده سنك فقره ثانیه سی حکمنه توفیقاً قرار اخیر مذکور اعلامنک تصدیقنه وزیرده مفرداتی مرقم اولوب بو کره سندیکلر طرفندن ویریلان یوز یتیش اوچ غروش مصارف تمیزیه نك مستدعی تمیزه عائد اولسنه ۴ شباط سنه ۳۲۵ تاریخنده اکثریت آرا ایله قرار ویرلدى.

محکمه تمیز استدعا دائره سندن صادر اولان ۵ ذی الحجه سنه ۳۲۷ کانون اول سنه ۳۲۵ تاریخلی ۲۲۶۶

نومرولى اعلامک صورتیدر :

« نقل دعوی معامله سی یالکز مواد جزائییه جاری اولوب حقوقه متعلق مسائلده نقل دعوی مستدعیاتنک قبولنه مساع قانونی اولمادیغنه دائر »

نقل دعوی طلبی حاوی چای قریه سی اهالیسندن قیوجی زاده حاجی خلیل ایله مختار صاغر احمد اوغلی مراد وبرر حاجی علی اوغلی حاجی احمد امضالریله مشترکاً اعطا وقره حصار صاحب سنجاغی بدایت محکمه سی ریاست اولاسندن باتحریرات اسرا قلنان ۲ تشرین ثانی سنه ۳۲۵ تاریخلی عر ضحال باش مدعی عمومیلک مأموریت بهیه سنك تبلیغنامه سیله محکمه تمیز استدعا دائره سنه تودیع قلنمغله قرائت ومطالعه اولندی .

مذکور عر ضحالک خلاصه مفادی ؛ بولوا دین قضاسنه تابع چای وقاضی قریه لری اهالیسی میانه لرنده تحدث ایدوب قضاء مذکور بدایت محکمه سی حقوق دائره سنجه دردست رؤیت بولنان دعوانک بعض اسباب درمیانیله دیکر بر محکمه یه نقلی طلب واستدعا سندن عبارت بولنش وسالف الذکر تبلیغنامه یه مذیل ۲۹ تشرین

ثانی سنه ۳۲۵ تاریخلی درکنارده دعاوی حقوقیه ده دخی نقل دعوائی مستلزم اسباب مقبوله نظامیه حاصل اوله یله جکشدن بحثله نقل دعوی معامله سنك دعاوی مذکورده جاری اولسی لازم کله جکی کوسترلمشدر . ایجابی لدی المذاکره : نقلی طلب اولسان دعوانک حقوقه متعلق اولدینی مندرجات عر ضحال دن منفهم اولمش ونقل دعوی معامله سی قانون مخصوص احکمنجه یالکز مواد جزائییه جاری بولنش اولسنه نظراً حقوقه متعلق بو کی دعاویده رأساً وقوع بولان نقل دعوی مستدعیاتنک قبولنه مساع قانونی کوریه مامش ایدوکندن عر ضحال مذکورک بوسیلدن طولانی ردینه وزیرده مفرداتی مرقم یوز یتیش الی یچ غروش اعلام خرجیله مصارف سائرهنك مستدعیلردن اخذینه ۳۰ تشرین ثانی سنه ۳۲۵ تاریخنده متفقاً قرار ویرلدى .

محکمه تمیز استدعا دائره سندن صادر اولان ۴ صفر سنه ۳۲۸ و ۱ شباط سنه ۳۲۵ تاریخلی

و ۱۷۰۸ نومرولى اعلام صورتیدر :

« زوجة زوجنک تابعیتی حائزدر . ایکی یونانی آره سنده وقوعه کلان منازعاتک رؤیتی یونان قونسلوسخانه سنه عائد اولوب عکسی صورته معامله اتخاذاى تقضى مستلزمدر »

درسعادت بدایت محکمه سی برنجی جزا دائره سندن صادر اولان ۲۸ ایلول سنه ۳۲۵ تاریخلی اعلامک تقضى حقه ده عدلیه نظارت جلیله سندن ویریلان امرتحریری اوزرینه اولباده کی اوراق باش مدعی عمومیلک مأموریت بهیه سنك ۲۵ کانون ثانی سنه ۳۲۵ تاریخلی تبلیغنامه سیله محکمه تمیز استدعا دائره سنه تودیع ایدلمکله قرائت ومطالعه قلندی .

مذکور تبلیغنامه ده ؛ زوجه سی صوفیه یی ضرب ایتمسندن طولانی مظون علیه اولان تبعه یونانیه دن اندون علیهنده محکمه مذکورده اقامه اولسان دعوانک رؤیتی مرقوم اندونک تبعه یونانیه دن اولسی وزوجه سی مزبورهنك دخی قانوناً زوجنک تابعیتنه بولنسی اعتباریه محکمه نك صلاحیتی خارجنده ایدوکی حاضر بالمحاکمه اولان دولت مشارالیه نك ترجائی موسیو الکساندر طرفندن افاده ایدلمش ایکن اشبو اعتراضک نظر اعتباره آلتیه رق دعوانک بالرؤیه نتیجه سنده قانون جزانک یوزیتیش طقوزنجی ماده سی حکمنه توفیقاً مرقوم اندوندن بش آلتون آلتیه رق صوفیه یه اعطاسنه قرار ویرلدیکی منفهم اولمش ومظنون مرقوم اندونک تابعیت یونانیه یی حائز اولسنه وزوجه سی صوفیه دخی تابعیت عثمانیه قانوننک یدنجی ماده سی حکمنجه زوجنک تابعیتنه بولنسنه نظراً ایکیسی بیتنده کی دعوانک محکمه مزبورجه رؤیتی خلاف عهد وقانون بولنش ایدوکندن بحثله حکم مذکورک اصول محاکمات جزائییه قانوننک اوچوز فرق یدنجی ماده سی حکمنه توفیقاً تقضى طلب ایدلمشدر . ایجابی لدی المذاکره : درجه اولی محکمه سنجه صوفیه قادی ضرب ایتدکی ادعا اولنان مزبورهنك زوجی

اندونك يوم محاكمه عدم اجابته مبنى منسوب اولديني يونان دولتي ترجاني حضوريله غيايبنده اجرا قلنان تدقيقات انساننده ترجان مومى اليه جانبندن، مظنونك يونان تابعيتنده بولنديني بيانيله دعوانك رؤيتي صلاحيت خارجنده اولديني درميان ايدلمش ومرقومك تبعه يونانيه دن اولديني قونسولانو ترجاننك دعوت اولنمسيله ده محكمه جه متحقق وبنابرین تابعيت عثمانيه قانونك یدنجی، ماده سی منطوقنجه زوجہ سی مزبورہ نك دخی زوجنك تابعيتی حائز اولديني ويونان دولتيه منعقد قونسولوسلق مقالہ سنك يكرمنجی ماده سی حکمنجه ايكي يوناني آره سنده وقوعه كلان منازعاتك رؤيتي يونان قونسولوسخانه سنده عائد بولنديني حالده محكمه مذکورہ جه بوجهت نظردفته آلتقسزين دائره صلاحيت خارجنده دعوالربنك رؤيت وحكم اولنمسي خلاف عهد قانون اولديغندن و بوده مستلزم نقض كورنمش ايدوكندن اصول محاكمات جزائيه قانونك اوچيوز قرق یدنجی ماده سی موجبنجه بر موجب طلب نقضه ۲۷ كانون ثاني تاريخنده متفقاً قرار ويرلدى .

محكمة تميز استدعا دائره سندن صادر اولان ۴ صفر سنه ۳۲۷ و ۱ شباط سنه ۳۲۵ تاريخلى ۲۶۹۹۹ نومرولى اعلام صورتيدر :

« قيديه رسمينك اخذني مشعر يازيلان شرحلر، اصحابي يدينه ويرلسي لازمكلان و رسم منضم پولنه تابع اولان مقبوض علم وخبرلري جمله سندن معدود بولمادىغندن جزاي نقدي اخذى ايجاب ايتز »

رسم تمغا جزاي نقدي سندن طولاي اواخرى قضاسي بدايت محكمه سي حقوق دائره سندن تنظيم واعطا قلوب قضاء مذکور ديون عموميه اداره سي جانبندن مدت قانونيه سي طرفنده تميزاً تدقيقي استدعا قلنان ۱۳ حزينان سنه ۳۲۳ تاريخلى قرارنامه واوراق متفرعه سي باش مدعى عموميلك مأموريت عليه سنك ۲۶ كانون اول سنه ۳۲۳ تاريخلى مطالعه نامه سييله برلشديريله رك محكمه تميز استدعا دائره سنده مطالعه وتدقيق اولندي .

مذکور قرارنامه نك خلاصه مالى ؛ بش قطعه اعشار دين سندی ظهريه قيديه رسمينك اخذني مشعر قضاء مذکور طابو كاتبي عثمان افندی طرفندن يازيلان شرحلر تمغا قانون جديدينك یتش دردنجی ماده سی منطوقنجه ايجاب ايدن يكرمی پاره لك رسم منضم پولی الصفاق ايدلماش اولسندن ناشی كاتب مومى اليه دن بيك ايكي يوز اللى غروش جزاي نقدي تحصيلي حقنده محلي ديون عموميه اداره سندن تنظيم قلنان مذکورہ عليه مومى اليه جانبندن وقوعه بولان اعتراض اوزرينه كيفيت محكمه جه بالتدقيق ذكر اولنان شرحلرك معافيت فصلنك دردنجی صره نومروسی موجبنجه تمغا رسمندن معاف بولنمسنه مبنى جزاي نقدي طلبنك ردینه قرار ويرلديكنى متضمندر .

لايحه تميزده ؛ مومى اليه عثمان افندی طرفندن قيديه رسمينك آلتدغيه دائر اصحابي يدينه آيروه مقبوض علم وخبري ويرلماش اولديني جهته رسم مذکورك اخذني ميين سندات مذکورہ ظهريه يازيلان شرحلر سالف الذکر یتش دردنجی ماده قانونيه موجبنجه تمغا رسمنه تابع بولنديني حالده محكمه مذکورہ جه بوجهت محرر اتخاذاولنان قرارك مغايرت قانونيه سندن بختله نقض استدعا اولنمش ومطالعه نامه ده دخی اعتراض واقعك موجب نقض اسبابدن اولديني بيانيله قرار نامه نك نقضى لزومى كوسترلشدر .

ايجابى لدى المذاكره : ديون عموميه اداره سنجه اسباب محرره دن ناشى مومى اليه عثمان افنديدن جزاي نقدي استيفاسي طلب وادعا قلنمقده ايسده بو مسئله ده دائره مذکورہ جه مدار استناد اتخاذاولنان تمغا قانون جديدينك یتش دردنجی ماده سی رسوم و تكاليف اميريك اخذني ميين اولمق اوزره مأمورين جانبندن اصحابي یدلرينه ويريله جك مقبوض علم وخبرلرينك تمغا رسمنه تابع بولنديني كوسترمكنده اولسنه و ذكر اولنان شرحلر ايسه ماده مذکورہ نك صراحتي وجهله استيفا قلنان رسم مقابلنده اصحابنه ويرلمش علم وخبر جمله سندن معدود بولنماسنه نظراً لايجه مذکورده مندرج اعتراضات غيروارد اولديغندن اولبابده كي تميز استدعا نامه سنك رديله قانون مخصوصي احكامنه موافق اولان مذکور قرارنامه نك تصديقه ويوز غروش اعلام خرجنك مستدعى ديون عموميه اداره سنده رجوع ايتك اوزره اول امرده مدعى عليه عثمان افنديدن آلتسنه ۲۰ شباط سنه ۳۲۳ تاريخنده متفقاً قرار ويرلدى .

محكمة تميز حقوق دائره سندن صادر اولان ۱ جمادى الاخره سنه ۳۲۷ و ۶ حزينان سنه ۳۲۵ و اوچيوز يكرمی اوچ نومرولى اعلامك صورتيدر :

« مقالوه نامه حكمنه مخالف اوله رق تعهد ايتديكي طوزي نقصان تسليم ايتسندن طولاي وقت وزمانيله قبودان عليه ده اقامه دعوى ايتك اوزره كندوسنه امر و پروتستو ورقه لري تسليم ايدلديكي حالده اقامه دعوى ايتمامي يوزندن اداره نك متضرر اولديني مبالغ اداره و كيلدن ضماناً لزوم تحصيلي متضمن اولان اعلامك موافق قانون اولديغنه دائر »

لاذقيه ده مقيم دعوى و كيللرندن محمد سعيد افندی ايله لازقيه ديون عموميه سي بيننده متكون دعوايه دائر بيروت استيناف محكمه سندن ۲۸ كانون اول سنه ۳۲۱ تاريخلى و اون یدی عددی ايله ويريلان اعلام مومى اليه سعيد افندی طرفندن تميز ايدلمكله باش مدعى عموميلك مأموريت عليه سنك مطالعه نامه سي آلته رق اعلام مذکور طرفينك اعتراض وجواب لايحه لري ايله برابر بالمطالعه تدقيقات تميزيه اجراسنه ابتدار قلندي . اعلام مذکورك خلاصه مندرجاني : قبودان يوركي نيكيفوروس نام كسه نك كندو سفينه سييله فوجه مملحه سندن غنره ولاذقيه نقل مقالوه نامه يه مربوط بولنان معلوم المقدار طوزي قبودان مرقوم مقالوه

اولنان مقدار دن نقصان اوله رق مذکور محلا ره تسلیم ایتش و اشبو نقصان دخی دیون عمومیه اداره سنک الی بیک درت یوز کسور غروش ضررینی موجب اولمش و ضرر مذکورک تلافیمی ایچون وقت وزمانیه پروتستو ورقه لری تنظیم اوله رق قیودان علیهنده اقامه دعوی اولنمی لازقیه دیون عمومیه اداره سی و کیلی مومی الیه محمد سعید افندی به امر اولمش ایسه ده مومی الیه محمد سعید افندی مدتی ظرفنده اقامه دعوی ایتیه رک مرور وزمانه اداره نک ضیاع حقوقنه سببیت ویرمش اولدیغندن بوندن متولد ضرر و زیان اولقی اوزره الی بیک درت یوز کسور غروشک مسبب مومی الیه محمد سعید افندی دن ضمانتاً تحصیلی حقنده اداره مذکورک وکیلنک اقامه ایلدیکی دعوی اوزرینه ضرر مدعا بهک قیودان مرقوم حقنده ضمانی استلزام ایده جک صورتله ثبوتی تحقیق ایتدیکی کی پروتستو ورقه لرینک مومی الیه سعید افندی به تسلیمی ده ثابت اوله مامسنه بناء اداره مذکورک مومی الیه سعید افندی حقنده اقامه ایلدیکی دعوانک ردینه دأر لازقیه بدایت محکمه سندن ویریلان اعلام بیروت دیون عمومیه ناظری مدحت افندی طرفندن استیناف اوله رق دعوی استینافینک رؤیتی ایچون قلنان کونده مستأنف علیه مومی الیه محمد سعید افندی دن دعوت واقعه به اجابت ایتامسی اوزرینه وکیل مسخر حضوریه اعلام مستأنف بهک بعض اسباب قانونیه به بناء فسخیله اساس ماده نک جریان ایدن محاکمه و تدقیقاتی نتیجه سنده قیودان مرقومک نقلی تعهد ایلدیکی طوز حمله سی مقاوله مقدارندن اون یدی بیک اوچ یوز اوتوز کیلو نقصان اوله رق تسلیم ایلدیکی مبرز مقاوله نامه وایکی قطعه حمله سندی و دیون عمومیه اداره سنک دفتر لری مآلندن آکلاشلدی و پروتستو ورقه لرینک دخی مدتی ظرفنده مومی الیه محمد سعید افندی به ویرلیدیکی حالده مدتک مرورندن صکره قیودان حقنده اقامه دعوی ایلدیکی اهل خبره راپوری مندرجاندن آکلاشلمش و مومی الیه محمد سعید افندی اداره مذکورک وکیل اولدینی حالده مدت قانونیه سی ظرفنده دعوی ایتیموب مرور زمانه و اداره مذکورک بو یوزدن الی بیک درت یوز کسور غروش صاغ اچه متضرر اولسنه سببیت ویرمش اولدیغندن خزینه جلیله دعوی وکیللری نظامنامه سنک اون التنجی ویکرمی اوچنجی ویکرمی بشنجی و اوتوز اوچنجی و اصول محاکمه حقوقیه قانوننک یوز طقسان التنجی ماده لری موجبنه مدعا به الی بیک درت یوز کسور غروشک ضمانتاً مومی الیه محمد سعید افندی تحصیلی لزومه دأر ویریلان اعلام غیابی استینافینک عندالاعتراض تصدیقه حکمدن و مستدعی تمیز مومی الیه محمد سعید افندی اشبو حکم علیهنده لایحه سنده محرر اعتراضاتک خلاصه سی بیروت دیون عمومیه ناظری مدحت افندی وکیل شهلوب افندی و کالتامه سی مصدق اولوب اولمادیغنک تدقیق ایدلما سی و حاضر بولندیریلان مدعی عمومینک اعلام مستأنف بهک فسخ ویا تصدیق حقنده رأینی بیان ایتسی لازم کلور ایکن بوراسنک محکمه به ترک ایتدیکنه دأر اولان افاده سنک محکمه به قبول ایدلمسی و کندوسنک اداره مذکورک وکالتی درعهده ایتدیکنه دأر اولان مقاوله نامه نک ابراز ایتدیرلما سی و پروتستو ورقه لرینک و مصارف واقعه سنک کندوسننه ویرلدیکنه متدائر اولان ذمت دفترینک ابرازی لازم کلور ایکن ابراز ایتدیرلما سی و نقصان

اولدینی ادعا اولنان طوزک مجلس اداره جه اثبات و قیودانک امضاسنی تطبیق ایچون تعیین اولنان اهل خبره دن هیچ بریسی روجه یه و قوفی اولدینی حالده روجه امضاسنی تطبیق ایلدک لرینه دأر اولان راپورک قبول ایدلمسی مغایر قانون اولدیغندن بختله اعلامک نقضی و لایحه جوابیه مؤداسی دخی اعتراضات مذکورک غیر وارد ایدوکی بیانیه ردی و اعلام مذکورک تصدیق استدعاسندن و سالف الذکر مطالعه نامه مندرجاتی دخی لایحه تمیزیه ده نقصانی تدقیقاته دأر اولان اعتراضاتک وارد ایدوکی بیانندن عبارتدر .

ایجابی مذاکره اولندقه : اعلام مذکورده تفصیل و حکایه اولدینی اوزره دیون عمومیه اداره سی و کیلی محمد سعید افندی دن وقت وزمانیه قیودان مرقوم علیهنده اقامه دعوی ایتک اوزره کندوسننه امر و پروتستو ورقه لری تسلیم ایلدیکی حالده اقامه دعوی ایتامسی یوزندن مرور زمانه و اداره نک متضرر اولسنه سببیتی تحقیق ایتش اولدیغندن ضرر و زیان اوله رق الی بیک درت یوز کسور غروشک مومی الیه محمد سعید افندی دن ضمانتاً لزوم تحصیلنه دأر استینافاً ویریلان اعلام غیابینک عندالاعتراض تصدیقه حکمدن عبارت اولسنه کوره حکم واقع اسباب موجبیه مستند و اصول و قانونه موافق اولوب مستدعی تمیزک بالاده محرر اعتراضاتیه لایحه سنده محرر اعتراضات سائر سی نقض حکمی موجب کوریه مادیکنه بناء اعتراضات مبعوث عنهانک ردیه اصول محاکمه حقوقیه قانوننک ایکی یوز قرق ایکنجی ماده سنک فقره اخیره سی موجبنه اعلام مذکورک تصدیقه وزیرده مفرداتی مرقم اولوب بوکره دیون عمومیه اداره سی نامه ویریلان ایکی یوز بر غروش مصارف تمیزیه نک مستدعی تمیز مومی الیه سعید افندی به عائد اولسنه ۷ مارت سنه ۳۲۵ تاریخنده اکثریت آرا ایله قرار ویرلدی .

محکمه تمیز حقوق دأره سندن صادر اولان ۷ صفر سنه ۳۲۸ و ۴ شباط سنه ۳۲۵ تاریخلی و ۱۵۳۳ نومرولی اعلامک صورتیدر :

« حکم حاکم صدور ایتدیکه وفاء مفروغ اولان عقارک فروختی غیر جائز اولدینی حقنده کی ادعا اوزرینه تدقیقات اجرا سیله برقرار اتخا ذی لازمکیر . مبرز سنک حاوی اولدینی مبلغ آلتادینی افاده اولنمی اوزرینه مذکور اقرارنده کاذب اولدینی بیلمدک لرینه دأر یمین ویردیرلک ایجاب ایدر . عکسی صورقه معامله اجرایی مستلزم نقضدر . »

طر بزونه تابع یومره ناحیه سنده ساکن شاطر زاده ابراهیم بک ایله متوفی حاجی عثمان افندی ورثه سندن اوغللری طر بزونده مقیمان تحسین افندی و ناجی بک بینلرنده متحدث دعویه دأر طر بزون استیناف محکمه سندن ۸ اغستوس سنه ۳۲۵ تاریخلی ویکرمی عددی ایله ویریلان اعلام مدت قانونیه سی ظرفنده مومی

اليه ابراهيم بك طرفندن تمیز ایدلمکله اعلام مذکور طرفینک اعتراض وجواب لایحه لایله بالمطالعه تدقیقات تمیزیه اجراسنه ابتدار قلندی .

اعلام مذکورک خلاصه مالی : مومی الیه ابراهیم بك كندیسنك مومی الیهما تحسین افندی وناجی بكك مورث وپدرلری متوفای مومی الیه حاجی عثمان افندی دن حال حیاتنده اخذ واستقراض ایتمش اولدینی یوزاللی لیرا مقابلنده یومره ناحیه سنه تابع حارفه قریه سنه کائن متصرف اولدینی معلوم الحدود والقطعات املاک و اراضی بیع بالوفا طریقله رهن ایتمش ایسهده مومی الیه حاجی عثمان افندی مبلغ مذکور کوری کندوسیه اوغلارینه هبه ایلدیکی حالد مومی الیهما دن ناجی بك املاک و اراضی مذکورینی فروخت ایچون محلی طابو کتابته ویردیکی عرضحال اوزرینه کتابت مذکور دن کندوسنه برقطعه اخطارنامه تبلیغ ایدلمش اولوب حالبوکه بیع بالوفا یه دائر دفتر خاقانی اداره لرندن ویریلان سندت احکامک محاکمه مراجعت ایدلمکسزین اجرا وانفاذ ایدلماسی امرعالی اقتضاسندن اولدیغندن مومی الیهما تحسین افندی وناجی بكك محکمه یه جلبلریله املاک و اراضی مذکوریه وقوعبولان مداخله لرینک منعی طرزون بدایت محکمه سنه مراجعتله طلب ودعوی ایتسی اوزرینه محکمه جه جریان ایدن محاکمه و تدقیقات نتیجه سنه هبه یی ماطق ۲۰ مارت سنه ۳۰۹ تاریخلی سندک مدعی علیهمانک پدرلرینک وفاتندن صکره اعطاقنمش اولدینی تحقق ایتسنه وشو حالد املاک و اراضی مذکور دن دفتر خاقانی اداره سنجه مزاید سنک تأخیرینه مانع بر حال کوریه مامسنه مبنی مدعینک ادعاسنک ردینه دائر صادر اولان اعلام ابتدائینک عندالاستیناف اسباب قانونیه دن طولانی فسخندن صکره محاکمه اجراسنه لدی الابتدار مستأنف مومی الیه ابراهیم بكك مستأنف علیهمانک پدرلری متوفای مومی الیه حاجی عثمان افندی باسند مدیون اولدینی یدییوز الی لیرا بورجنه مقابل متصرف اولدینی بالجمله املاک و اراضی متوفای مومی الیه اصولاً متصرف اولدینی حالد مؤخرأ حیاتنده رهنک مبنی علیهی اولان یدییوز الی لیرای اولاد صغارینه هبه ایدرک عامه دعوان ذمتی ابرا ایلدیکنی بالادعا برقطعه سند ابراز ایلسنه قارشو مستأنف علیهما ناجی وتحسین افندیلرده مستأنف ابراهیم بك طرفندن استناد اولنان ابراسندی پدرلرینک تاریخ وفاتندن مؤخر تاریخله مورخ اولوب حدذاتندن شایان احتجاج اولمادیکی کبی اساساً مبلغ مذکور کندیلرینه عائد وپدرلرینک نامی مستعار اولدینی ومومی الیه ابراهیم بكك کندولرینه اعطا ایلدیکی سند دخی صدق افاده لرینی مؤید بولندیغنی بالیان مستأنف مومی الیهك خلاف واقع اولان ادعاسنک ردینی تذکار ومذکور ابرای ناطق سندده کی مهر کندیسنک ایسهده پاره آلمادیغنی اثبات ایتلری اوزرینه اجرا قلنان محاکمه و تدقیقات استینافیه نتیجه سنه مومی الیه ابراهیم بك طرفندن ابراز ایدیلان مذکور هبه سندینک مهری ناجی وتحسین افندیلر طرفلرندن انکار ایلدیکی کبی ناجی وتحسین افندیلرک ابراز ایلدکری دین سندلرینک دخی ابراهیم بك طرفندن انکار ایدلمسی اوزرینه علی الاصول محکمه طرفندن تعیین ایدیلان اهل خبره طرفلرندن اجرا قلنان تدقیقاتی مین تنظیم و محکمه یه ویریلان تقریرده انکار ایدیلان ابرانامه زیرینه موضوع مهر حاجی عثمان

افندیك اولدینی مثللو سندت زرلرنده کی مهر دخی کذلک ابراهیم بكك اولدینی تظاهراً ایتمش و فقط ابراهیم بكك بوقدر سندت رسمیه وغیر رسمیه قارشو ابراز ایدیلان ارا سندینک تاریخی داین متوفی حاجی عثمان افندیك وفاتی تاریخندن صکره بر تاریخله مورخ اولدینی کورلمش اولسنه و آنجق رهنک اصول ونظامنه توفیقاً فك اولمماسی وبرا سندندن صکره تأمینات سندینک اعطاسی تجویز ایدیله جک احوال دن اولماسنه مبنی ادعا ایدیلان ابرنک مقبول ومعتبر کوریه مدیکندن مستأنف مومی الیه ابراهیم بكك بو بایده کی ادعا و افاده سنک ردینه حکمدن ومستدعی تمیزک اشبو حکم علیهنده لایحه سنه محرر باشلوجه اعتراضی مبرز ابرانامه ده کی مهر حاجی عثمان افندیك مهری اولدینی واشبو سندک ساخته لیکی حقدن دعوی سبق و بو بایده بر حکم و قرار صدور ایتدیکی حالد مذکور سنه مؤخر تاریخ وضعندن بختله حکمسزاکنه قرار ویرلمسی یولسز ومخالف قانون اولدینی کی بالفرض والتقدير مذکور ابرانامه ثبوت مدافعه یه کافی اولسه یله صور آخرله دفعی اثباته حقی درکار و بونی دخی اثباتدن عاجز بولادیغنی حالد خصم لرینه یمین تکلیفنه صلاحیتی بدیهی و آشکار ایکن یمین جهتنک دخی نظر اعتباره آلماسی مغایر قانو اولدیغندن بختله اعلامک نقضی و لایحه جوابیه مؤداسی دخی سرد اولنان اعتراضاتک غیر وارد اولدینی بیایله ردی وموافق اصول وقانون اولان اعلام مذکورک تصدیق استعاضندن عبارت بولمشدر.

ایجابی مذاکره اولندقدن : اعلام مذکور مألندن مستبان اولدینی اوزره مدعی ابراهیم بكك مدعی علیهمانک مورثلری حاجی عثمان افندی یه اولان بورجی اولاد صغارینه هبه و ذمتی ابرا ایتدیکی یولنده ابراز ایلدیکی سند داین مومی الیهك تاریخ وفاتندن صکره بر تاریخله مورخ اولمسی جهته شایان قبول ومعتبر اولدیغنه مبنی مدعینک رد ادعاسنه قرار ویرلمش ایسهده عندالحا که مدعی ابراهیم بكك یوکی وفاء مفرغ اولان عقارک فروختی حقدن حکم حاکم صدور ایتدیجه صایلمسی غیر جائز اولدینی ومذکور یددی یوز الی لیرالق سندده قارشوده پاره آلمادیغنی ادعا ایتمش اولسنه کوره محکمه جه مومی الیهك عقارک عدم فروخته متدائر اولان مذکور ادعاسی حقدن تدقیقات لازمه اجراسیله برقرار انخاذ ایدلمسی مقتضی ایکن بوجهته تعرض ایدلماسی مغایر قانون اولدیغندن اعلام مذکورک بو سببه بناء اتفاقه ومبرز سندک حاوی اولدینی مبلغی آلمدیغنه دائر اولان افاده یه کنججه بوده بالکتابه واقع اولان اقرارده کذب ادعاسی دیمک اولوب محکمه جه بو بایده دخی طالب تحلیف اولوب اولمادیغنی سؤال اولنه رق طالب اولدینی تقدیرده مدعی علیهمانک مدیونک اقرارنده کاذب اولدیغنی بیامدکرینه دائر یمین ویردیرلمک ایجاب ایلدیکی حالد بوندن ذهول اولمسی یولسز ومخالف قانون کورلمکله اصول محاکمه حقوقیه قانوننک اکیوز اوتوز ایکینجی اکیوز قرق برنجی ماده لری موجبینجه بوجهتن طولانی دخی اکثریتله نقضیه قانون مذکورک اکیوز قرق درنجی ماده سی حکمنه توفیقاً کیفیتک بالرؤیه اعلامه ربطی ضمننده محکمه مذکوریه اعاده سنه وزیرده مفرداتی مرقم اولوب اول و آخر مستدعی

تمیز مومی الیه ابراهیم بك طرفندن ایفا اولنان بشیوز الی طقوز یحق غروش مصارف تمیز به نك ایلروده حقسنز چیقہ جق طرفه عائد اولسنه ۱۱ تشرین ثانی سنه ۳۲۵ تاریخنده قرار ویرلدی .

— ۳ —

محکمه تمیز حقوق دائره سندن صادر اولان ۱۱ صفر سنه ۳۲۸ و ۸ شباط سنه ۳۲۵ تاریخی و ۱۴۶۳ نومرولی اعلامك صورتیدر :

« تأدیه دین ایدمه میان بر تجارك افلاسی طلب وادعاده اموال و عقاری نظر دقتہ التیوب طلب اولنان مبلغی عیناً و یا نقداً تأدیه ایتسی لازمکیر . افلاس مسائلی معاملات ابتدائیه دن اولدینی جهته بوباده قرار اعطا و مراسم سائرہ ایقاسی محکمه بدایتہ عائد مواددندر . اون بیک غروشی متجاوز دعاوی ایچون مرکز لوا و یا ولایت استیناف محکمه سنه مراجعته مستأفلر مختاردرلر . بریولده ویریلان اعلامك عندالتمیز تصدیق اولدیفنه دائره »

طورغودلی قصبه سنده مقیم تجاردن کشیش اوغلی سوقراط ایله ازمیدده چوقه بدستاننده ساکن بانکر اناغلو سطویلو افندی بننده متحدث دعوايه دائر آیدین ولایتی استیناف محکمه سندن کانون اول ۳۲۵ تاریخ و قرق سکنز عددی ایله ویریلان اعلام مرقوم سوقراط طرفندن تمیز ایدملکله باش مدعی عمومیلک مأموریت علیهنك مطالعه نامه سی آلدقدن صکره اعلام مذکور طرفینك اعتراض و جواب لایحه لرله بالمطالعه تدقیقات تمیز به اجرا سنه ایتدار قلندی .

اعلام مذکورك خلاصه مالی: مومی الیه علقو اناغلو سطویلو افندیك مرقوم سوقراط ذمتده جیرو ایدلمش درت قطعه سند منطوقیجه مطلوبی اولان ایکی یوز الی عدد عثمانی لیراسنك هنوز استیفاسنه دسترس اولمه مدینی کی مرقومك حال افلاسنده بولندیغی استخبار ایتش اولدیغندن مرقوم سوقراطك افلاسنه قرار اعطاسنی طورغودلی بدایت محکمه سی تجارت قسمته مراجعتله طلب و دعوی و مدعی علییه وکیلی قسطی افندی دخی مدعی مومی الیه موکلی علیهنه دوغریبدن دوغری به افلاس دعواسی اقامه ایتش اولوب حالبوکه هردان آلہ جنئی آلہ مدینی تقدیرده اول امرده مدیونه قارشو پروتستو ایتسی حکم قانون اقتضاسندن اولدینی کی موکلنك مبلغ مدعایی هروجهله ادایه اقتداری اولدیغندن اقامه ایدلمش اولان افلاس دعواسنك ردینی افاده و ادعا ایتسی اوزرینه جریان ایدن محاکمه و تدقیقات نتیجه سنده مدعی مومی الیه طرفندن ویریلان استدعا قانونه موافق صورتده تنظیم اولنماش اولدینی کی مبلغ مدعایی عدم تسویه دائره محکمه یه قناعت کله جک درجده اوراق رسمیه وسائرہ ابراز اولنمه مش اولدیغندن او یولده اوراق رسمیه ابرار یله حقیقه دین مذکور ویره مدیکی آکلاشدینی تقدیرده معامله لازمۀ قانونیه نك ایفا و اجرا سنه تعلیقاً بر موجب طاب عرضحال مذکورك ردینه دائر صادر اولان اعلام ابتدائی حکمنك اول امرده درمیان

اولنان وظیفه و صلاحیت ادعاسنك ردندن صکره عندالاستیناف فسخیه تکرار اجرا قلنان محاکمه و تدقیقات استینافیه نتیجه سنده مدعی علییه سوقراط ارا نیلان تأمیناتی ایکی دفعه مهمل ویرلدیکی حالده ارا نه ایتمکدن عاجز اولدینی وکیللرینك صورت افاده لرندن آکلاشلمش اولسنه و اموالنك دیندن فضله بولنسی قرار سابقده دخی کوسترلدیکی وجهله اعلان افلاسنه مانع اولمیوب فقط بو کی افلاس قرارلری بدایتاً اتخاذ ایدملک لوازم قانونیه دن ایدوکنه بناءً افلاس قراری اعطا و معاملات قانونیه اجرا اولنق اوزره دعاوی واقعہ نك محکمه مذکوریه اعاده سنه حکمدن مستدعی تمیزك اشبو اعلام علیهنه لایحه سنده محرر اعتراضاتك خلاصه سی لوالره مربوط قضائر محاکم تجاریه سنك مرجع استینافی تابع اولدقلمی لوا تجارت محکمه لری اولوب مرکز ولایت استیناف حقوق محاکمی یالکز مرکز ولایت ولوا محاکمك مرجع استینافی بولندیغی ۱۸ اغستوس سنه ۳۲۵ تاریخنده نشر اولنان ولایت تشکیلات عدلیه سنجه اجرا اولنه جق تعدیلات حقننده کی قانونك اوچنچی ماده سی ایجابندن بولنش ایکن محکمه مذکوریه وظیفه خارجنده رؤیت دعوايه قرار ویرلمی تشکیلات محاکم قانونك یکرمی بشنچی ماده سی حکمنك بالاخره نشر اولنان مارالذکر تعدیلات حقننده کی قانونه معدل اولمدینی فرض ایدلیدی صورتده دخی مذکور ماده مستأفلرک یالوا ویا ولایت مرکز تجارت محکمه لرندن برینه مراجعتده مختار بولندقلمینه متدائر اولسنه نظراً وظیفه قرارینك مابه الطبیق اوله میان ماده مذکوریه استناد ایتدیرلمی و محکمه مذکوریه حکم ابتدائینك فسخنه دائر اتخاذ اولنان برنجی قراری دخی بعد الفسخ صلاحیت قانونیه خارجنده نتیجه دعوی و حکمده قرار اوله مغایر اوله رق دعاوی واقعہ نك محلی بدایت محکمه سنه اعاده سنه حکم اولنسی بولسز و مخالف قانون اولدیغندن بحثله اعلام مذکورك نقضی استدعاسندن ولایحه جوابیه مؤداسی حکم واقع موافق اصول و قانون اولوب اعتراضات مسروده نك واهی اولدینی بیانیه ردی و اعلامك تصدیق طلبندن و مطالعه نامه مذکور مندرجاتی دخی اعلامده مندرج اسباب موجبۀ قانونیه یه نظراً لایحه تمیزیه ده وظیفه یه متعلق اولان اعتراضك وارد اولمدینی بیانندن عبارت بولمشدر . ایجابی مذاکره اولندقدہ : اعلام مذکورك نتیجه مفادی مدعی علییه سوقراطك ارا نیلان تأمیناتی ایکی دفعه مهمل ویرلدیکی حالده ارا نه ایتمکدن عاجز اولدینی وکیللرینك صورت افاده لرندن آکلاشلمش اولسنه و اموالنك دیندن فضله بولنسی دخی اعلان افلاسنه مانع بولنماشنه و فقط بو کی افلاس قرارلری بدایتاً اتخاذ ایدملک لوازم قانونیه دن ایدوکنه بناءً بوباده قرار اعطا و معاملات قانونیه اجرا اولنق اوزره دعاوی واقعہ نك بدایت محکمه سنه اعاده سنه حکمدن عبارت بولنسنه و بر تجارك علیهنه تأدیه دین ایدمه مدیکندن بحثله افلاسی طلب وادعاده اول تجارك اموال و عقاری نظر دقتہ التیوب طلب اولنان مبلغی عیناً و نقداً تأمین ایتسی لازمه قانونیه دن بولنش و مدعی علیهنک ایسه بدایتاً اول صورتله تأمینات ارا نه ایدمه مدیکی کی استینافاً ویریلان مهمل اوزرینه ده تقدراً تأمین ایدمه یه جکنی وکیللری صراحة درمیان ایتش و افلاس مسائلی معاملات ابتدائیه دن و بو بایدہ حکم اعطاسی بدایت محکمه سنه عائد مواددن اولوب هنوز حکمه اقترا ن ایتیمان بر دعوی حقننده استینافاً

اجرای محاکمه و تدقیقات اصول محاکمه حقوقیه قانونک ۱۷۱ نجی ماده سی موجب جبهه غیر جائز بولنش و ذاتاً بوکی اون سیک غروشی متجاوز دعاوی حقنده قضا تجارت محکمه سندن وریلان اعلاماتک مرکز لوا ویا ولایت استیناف محکمه سینه مراجعته مستأفلاک مختار اوله جقیری تشکیل محاکم قانونک ۲۵ نجی ماده سی ایجابندن اوله رق در میان اولان احوالک اشوق قانونه قارشو برکونه حکم و تأثیری کوربله مامش بولنسنه نظراً حکم واقع اسباب موجبیه مستند و موافق اصول و قانون اولوب مستدعی تمیزک بالاده محرر اعتراضیه لایحه سنده مندرج سائر اعتراضاتی نقض حکمی موجب اولدیفنه بناء اعتراضات مباحوث عنهانک ردیه اصول محاکمه حقوقیه قانونک ایکی بوز قرق ایکنجی ماده سنک فقره ثانییه سی موجب جبهه اعلام مذکورک تصدیقه و زیاده مفرداتی مرقم اولوب بوکره علقو اناغلو سطوپلو نامه استیفا قلنان یوز التمش اوج بچق غروش مصارف تمیزیه سنک مستدعی تمیزه عائد اولسنه ۲۰ کانون ثانی سنه ۳۲۵ تاریخنده متفقاً قرار ویرلدی.

محکمه تمیز جزا دائره سندن صادر اولان ۱۷ شباط سنه ۳۲۵ تاریخلی اعلام صورتیدر.

« جری ایقاع ایچون تحریکک افعال ممنوعه دن اولدیفنه دائر »

عدلیه نظارت جایله سنک ۱۷ کانون ثانی سنه ۳۲۵ تاریخلی واللی الی نومرولی امر تحریریسی موجب جبهه باش مدعی عمومیلک مأموریت علیه سندن محکمه تمیز جزا دائره سنه کوندیریلان ۲۶ کانون ثانی سنه ۳۲۴ تاریخلی واللی بیک ایکی یوز طقسان ایکی نومرولی تبلیغنامه اوراق متفرعه سی مطالعه قلندی.

ذکر اولنان تبلیغنامه ده پالو قضاسنک سیرت قریه سی اهالی سندن بغداد صار ولد خوکاسک زوجیه سی ضرب ایله حیواناتی غضب ایتسندن طولای غیاباً اوج سنه کورک جزاسنه محکوم ایکن اخیراً دردست ایدیلان شارخ قریه لی محمد بن عیسی حقنده ارغنی سنجای بدایت محکمه سی جزا دائره سنه جبهه اجرا قلنان محاکمه نتیجه سنده اتخاذ قلنان قرارک مغایرت قانونیه سندن بمثل نفعاً للقانون نقضی طلب ایدلک اوزره دیار بکر ولایتی استیناف محکمه سی مدعی عمومیلک سندن کوندیریلان اوراق مندرجاتندن مستبان اولدینی اوزره مرقوم محمد بن عیسی سنک دیگر رفیقاریله لیل مدعی بغداد صارک خاها سنه بالدخول زوجیه سی ضرب و جبر و شدت استعمالیه حیواناتی اخذ و غضب ایتسندن ناشی جریان ایدن محاکمه و جاهیه سنده جبر اجریه فعل غضبیده اشتراکی اکلشیه موب انجق رفیقاری دنیلان برادرله عمجه زاده سی تشویق و تحریک ایله فعل مذکورک انلره ایقاع ایتدیردیکی اخبارات و دلائل ایله ثابت اوله جقندن حرکت واقعه سنک مطابق کورلیدیکی قانون جزانک ایکی یوز واللی ایکنجی ماده سنک فقره اخیریه سی حکمته توفیقاً تقدیر اولان برسنه حبس جزاسنک جرمک اون تموز سنه ۳۲۴ تاریخندن مقدم ایقاع ایدلمش اولسنه منی عفو قانونک بشنجی ماده سنه تطبیقاً نصفه بالتزیل الی ماه مدله حبسنه حکم و قرار ویرلیدیکی و قرار مذکورک کسب قطعیت ایلدیکی اکلشلمش

و قانون جزانک ایکی یوز واللی ایکنجی ماده سنک فقره ثانییه سنه معین جرم طرف آخرک تحریک و ابرامیه بر شخصک بالذات ایقاع ایتدیکی سمرقت جبریه منحصراً اولسنه نظراً فعل غضبیده بالذات مدخل و علاقیه سی بولمیدینی ثابت اولان مرقوم محمد عیسی حقنده فقره مذکورک حکمته تطبیقاً تعیین مجازانده اصابت اولمیدینی کی امر مجبرله عائد شرائط قانونیه موجود بولمیدیفه محضاً ایقاع جرمه آخری تحریک خصوصی دخی قانوناً افعال جرمیه دن معدود بولمیدیفه و محکمه سنک تطبیقات قانونیه ده صابت ایتدیکی فرض ایدلسه بیه فعل مزبورک جنحه دن معدود و ۱۰ تموز سنه ۳۲۴ تاریخندن مقدمه عائد اولسی اعتباریه عفو قانونک یدنجی ماده سنک صراحتی وجهله متهمک در حال تخلیه سیلینه قرار ویرلک لازم کلورکن بوجه مشروح حقنده مقتضی مجازاتک نصفنک تحت حکمه التمسیده صراحت قانونیه به مغایر اوله جقنه منی الیوم حال محبوسیتده بولنان مرقوم محمد عیسی حقنده کی حکمک اسباب مذکورده دن ناشی اصول محاکمات جزاییه قانونک اوچیوز قرق یدنجی ماده سنه توفیقاً نقضی لزومی اخبار اولمشدر.

تدقیقات تمیزیه لدی الاجراء متهم محمد بن عیسی سنک دیگر رفیقاریله لیل و مدعی بغداد صارک خاها سنه بالدخول زوجیه سی ضرب و معامله جبر و شدت اجراسیه حیواناتی اخذ و غضب ایتسندن طولای غیاباً اوج سنه کورک جزاسیه محکوم ایکن اخیراً دردست اوله رق محاکمه و جاهیه سی بالا اجرا متهم مرقومک اثر تحریک و تشویقیله دیگر رفیقاری سنک فعل غضبی ایقاع ایتدیکری اخبارات و دلائل کافی سائر ایله ثابت اولدینی اولاباده کی اعلام مندرجاتندن مستبان اولسنه و حرکت واقعه سنک مستلزم اولدینی مجازات قانونیه نظراً تبلیغنامه ده متهمک ایقاع جرمه تحریک خصوصندن عبارت بولنان فعلک افعال جرمیه دن معدود بولمیدیفه متعلق در میان ایدیلان اعتراضات تطبیقات قانونیه نقطه نظرندن وارد اولیوب انجق جرم مدعی بهک اساساً محکمه جبهه جبهه درجه سنه کوراش و ۱۰ تموز سنه ۳۲۴ تاریخندن اول وقوعبولش اولسنه کوره بوکادائر اولان ۸ اغستوس سنه ۳۲۵ تاریخلی قانون اخیرک برنجی ماده سی موجب جبهه حکم قانونک اجرا اولنمه منی جتی جهته تخلیه سنه قرار ویرلک مقتضی ایکن بر سنه حبس جزاسنک نصف درجه سنه تنزیلی جهته کیدلسی مغایر قانون بولنش و بناء علیه تبلیغنامه محتویاتنک بو قسمی بحاکم کورنمش اولدیفندن اصول محاکمات مذکورک سالف الیاب اوچیوز قرق یدنجی ماده سنه توفیقاً اعلام مباحوث عنهانک عادیاً نقصنه ۳۰ کانون ثانی سنه ۳۲۵ تاریخنده قرار ویرلدی.

انجمن عدلیہ برائے

انجمن عدلیہ دن صادر اولان ۱۶ تشرین ثانی سنہ ۳۲۵ تاریخلی قرارک صورتیدر :

« اصول محاکات حقوقہ قانونک ۲۲۴ نجی مادہسی ایله اجرا قانونک یکریمی

بشنجی مادہسی بینندہ مہابت موجوداویوب تمیز دعوی وقوعندہ تأخیر اجرا

علم و خبرینک لزوم ابرازینہ دائرہ »

حلب استیفاء مدعی عمومیلکنندن مقام نظارت جلیله لرینہ تقدیم وانجمن عدلیہ حوالہ بیوریلان

۲۶ اگستوس سنہ ۳۲۵ تاریخ و ۳۵۳ نومرولی تحریرات ایله اوراق ملفوفہسی مطالعہ وتدقیق اولندی .

خلاصہ مدلولی ؛ ۹ جزیران سنہ ۹۵ تاریخندہ موقع تطبیقہ قوانیلان اصول محاکات حقوقہ قانونک ایکی

یوز یکریمی دردنجی مادہسندہ محکومہک کفالت ویا دپوزیتو صورتیلہ تأمین حائلندہ تمیز استدعاسنک تأخیر

اجرائی مستلزم اولہجی بیان قلمسندہ نظراً بوصورتلہ دعوی تمیز ووقعندہ ۵ جزیران منہ تاریخندہ موقع

اجرایہ قوانیلان اجرا قانونک یکریمی بشنجی مادہسندہ بیان اولندینی وجہلہ تأخیر اجرا حقندہ علم و خبر

ابرازینہ حاجت اولقسزین اجرانک تأخیر اولنسی ایجاب ایدہجکی بعض طرفدن ادعا اولندیغندن بحثله

استیذان معاملہی حاوی مرکز بدایت محکمہسی ریاست اولیسندن ویریلان مذکرہنک لفاً تقدیم قلندینی

بیانندن عبارت اولدینی کورلدی .

موضوع بحث ایدیلن مادتین آرسندہ ظن و بیان ایدلیکی وجہلہ تعارض موجود اولیوب هر ایکی

مادہ احکامنک یکدیگرینی مؤید بولنسنہ وتأخیر اجرا علم و خبرینک لزوم ابرازی عبارت قانونیہدن مستفاد

اولسنہ نظراً مذکور مدعی عمومیلکہ اویولده ایفای تبلیغات اولنسی ایجاب ایلیہجکی اکثریتلہ تذکر قلندی .

انجمن عدلیہ دن صادر اولان ۳۰ تشرین ثانی سنہ ۳۲۵ تاریخلی قرارک صورتیدر :

« بر شخصک بانکہ اولان دینک وعدہسی حلول ایتمدیکی حالہ دیگر شخصک

محکوم بہ دیندن طولانی بانکہیہ مرهون اولان املاکی حقندہ دائرہ اجراہ

اولنہجی معاملہیہ دائردر »

سلانیک عدلیہ مفتشلکنندن نظارت جلیله لرینہ بالتقدیم انجمن عدلیہ حوالہ بیوریلان ۱۵ تشرین ثانی

سنہ ۳۲۵ و ۱۸ تشرین ثانی تاریخلی ایکی قطعہ تحریرات ایله متفرعاتی مطالعہ وتدقیق اولندی .

خلاصہ مألری ؛ بوجادہ محلہسندہ بابیانلی پترہ ذمتندہ اکتساب قطعیت ایتمش برقطعه اعلام موجبہجہ
بیکی ایکیوز یتش درت غروش آلاجنی اولان یکیکجہنک پرولک قریہسندن قولوچوپہ محکوم علیہ مرقومک
۱۷ کانون ثانی سنہ ۳۲۱ تاریخندہ اون سنہ مدت ظرفندہ مقسطاً تسویہ ایلک شرطیلہ زراعت بانکہسندن
استقراض ایلدیکی بیکیوز یتش بش غروشندن متباقی دینی بولنان مبلغی تماماً تأدیہیہ حاضر بولندیغندن دین
مذکورہ مقابل محکوم علیہ طرفندن تاریخ مزبورده وفاء فراغ اولسان وایراً مرقوم قولوچوپہ طرفندن
تحت حجزہ آلدیریلان تارلا ودوت بانجہسی وباغک فروختی ایله اثمان حاصلہسندن محکوم بہ مطلوبینک
استیفانی باستدعا طلب ایتمش ایسده بومثللو مسائلہ متعلق مقدما انجمنک یکدیگرینہ مغایر ایکی قراری
اولدیغندن هانکیسی موجبہجہ ایفای معاملہ اولنسی استیذان محتوی اولدینی کورلدی .

ایجابی لدی المذاکرہ : انجمنک ۳۱۳ تاریخلی قراری وجہلہ مدیونک مرهون بولنان اموالندن بشقہ دینی
تسویہ ضمتندہ فروخت ایدہجک مالی بولندیغنی حالہ زراعت بانکہسندہ رهن ذمتندہ کی مطلوبینک وعدہسی
حلول ایتماش اولسہیلہ رهنک قطعاً محکوم دیندن طولانی حجز وفروختی مجلہنک بدیوز اوتوز بدنجی
مادہسندن استدلال اولنان حالہ نظراً جائز اولدیغنه اتفاق ومرتہنک اثمان حاصلہسندن آلاجنہ تقابل ایدن
مقدار ، حلول وعدہیہ دکیں حساب اولنہجی فائضیلہ معاً تحقق ایدہجک مطلوبینک محکمہ وزنسندہ حفظی
وفضلهسندن دیگر اصحاب مطلوبک آلہجقلرینک تسویہسی لزومنه اکثریتلہ قرار ویرلدی .

انجمن عدلیہ دن صادر اولان ۲۴ کانون اول سنہ ۳۲۵ تاریخلی قرارک صورتیدر :

« تقاعد معاشاتیله معزولیت وچراقلق ویدحیات واملاک مضبوطہ مقابل مخصص

بولنان معاشات ربعنک قطع وتوقیفی ایجاب ایدوب ایتیهجکندہ دائرہ »

تجارت محکمہسی ریاست اولیسندن بالتقدیم انجمن عدلیہیہ تودیع بیوریلان ۱ کانون اول سنہ ۳۲۵
تاریخلی مذکرہ ایله ظہرندہ کی امور حقوقیہ مدیریت ہیہسی درکناری مطالعہ وتدقیق اولندی .

مذکرہ معروضہنک خلاصہ مالی : اخیراً نشرواعلان اولنان تقاعد نظامنامہسندہ متقاعدین ربع معاشاتنک

قطع وتوقیف ایدلنامسی حقندہ صراحت کافیہ اولدیغندن کرک متقاعدین وکرک بوکا قیاساً معزولین معاشاتیله

محتاجین ترتیباتندن ویرلمکده اولان معاشات ارباعنک حجز وتوقیفی لازم کلوب کلیہجکندہ تردد حاصل

اولدیغندن استیذان معاملہی و امور حقوقیہ مدیریت ہیہسندہ مطالعہ نامہسی مدلولی دخی ؛ تقاعد معاشی

حقندہ کی استیذان اسکی تقاعد نظامنامہسندہ صراحتہ و دیگر معاشات حقندہ کی استیذان شورای دولتجه

منتخذ مقرراتہ مستند اولوب اخیراً نشر واعلان بیوریلان مأمورین ملکینک تقاعد و معزولیت معاشلرینہ

دائر اولان قانونندہ اشبو استیذان حقندہ برکونا صراحت بولننامسی حقوق ناسی تأمینہ معطوف اولوب اثر

ذهول عد اولئهميه جنی وبنابرین تقاعد معاشاتندن دخی دین ایچون توقیفات اجرایی لازم کله چکی کبی تقاعد معاشه قیاساً معزولیت وچراقلق وقید حیات و املاک مضبوطه مقابلی اوله رق مخصص معاشات حقنده جاری قواعده دخی سقوطی مقتضی ایسه ده تقاعد و معزولیتدن ماعدالری حقنده کی استثنای طرفین پیتنده بالرضا محکمه جه مسجل بر مقاوله اولما مقوله مقید بولند یغندن بوقیل معاشات حقنده کی مستثنیاتک ابقاسی مقتضای عدل ونصفته مقارن اوله جنی بیانی شامل اولدینی کورلدی .

ایجابی مذاکره اولندقه : معزولیت معاشاتندن توقیفات اجرایی انجمن عدلیه جه مقدا قرار کیر اولمش ومأمورین مدکیه ترقی وتقاعد و معزولیت معاشاتندن دخی نشر اولنان قانون جدیدده قانون عتیق احکامنک مفسوخ اولدینی حقنده صراحت کافیه غیر موجود ایسه ده امور حقوقیه مدیریت بهیه سنک بالاده معروض مطالعه سی موافق نفس الامر برلنش اولدینندن وشورای دولت ومجلس خاص وکلا قرار لریله جزو توقیفندن استثنای ایدیلان چراقلق وقید حیات و املاک مضبوطه مقابلی مخصص بولنان معاشات حقنده قوانین موجوده ده برکونه صراحت بولنمادیغندن اولباده صراحت کافیه بی حاوی برقانون وضعنه دکن معاشات مذکورده دن توقیفات اجرایی مقتضی بولندیغنه متفقاً قرار ویرلدی .

شئون عدلیه

حسن اغا زاده حاجی مصطفی افندی بی پاره سنه طمعاً قتل واتلاف ونعشی احما ابله ایکوز لیرا قدر مختلف الجنس اچقه سنی غضب ایلدیکی بالحا که ثابت اولان طودوری اوغلی کیرونک اعدامنه دائر کلیولی سنجاعی بدایت محکمه سی جزا دائره نندن ویریلوب محکمه تمیز جزا دائره سنجه تصدیق وعتبه علیای حضرت پادشاهی به تقدیم اولنان اعلام اوزرینه موجب سنجه اراده نیه مهابت ریز صحیفه سنوح وضدور بیورلمغه تصدیق وبا بیورلدی سامی تسیر قلنان فرمان عالی اجرای ایجابی ضمننده ادرنه ولایت علیه سنه ارسال اولنمشدر .

شیخ عبداللهی قتل ایلدیکی بالحا که ثابت اولان تمرین عبدالحدیده نک نابلس سنجاعی نیابت شرعیه سندن قصاصنه ولواء مذکور بدایت محکمه سندن ده اعدامنه دائر ویریلان ایکی قطعه اعلامدن اعلام شرعی تنظیم وجانب جلیل فتوا خانه دن ده تصدیق اولنوب عرض عتبه علیا قلمسی اوزرینه تصدیق بیوریلان فرمان جلادت عنوان حضرت پادشاهی اجرای ایجابی ضمننده بیروت ولایت جلیله سنه ارسال قلمشدر .

قانون غیر مجاز

مفروق جزایه

ر مسئله جزایه

جريدة عدلیه نک درت نومرولی نسخه سنده موضوع بحث اولان اجتماع جرایمه کافه جرایمک یکان یکان تدقیق ومحا که سیله جزا رینک تعیین وحکم لازم کلوب کلدیکی مسئله نظریه سنده بیان ایلدیکم مطالعه به قارشو حقوق فاکولته سی معاملرنندن دیران بک افندیکن بعض اعتراضاتی حاوی اچیق مکتوبی اوقودم . معلوم اولدینی اوزره حقوق وجزایه متعلق اکثر مسائل نظریه ده اختلاف افکار ا کسیک اولیوب حتی فرانسه محکمه تمیزینک بویولده بربرینه مخالف متعدد مقرراتنه ومؤلفین وعلما ی حقوقک دخی پک جوق متخالف رأیلرینه تصادف اولنمده در . بوجهله حد فائده مسائل تقدیریه دن معدود اولان مواد جزایه ده ارباب اختصاصک مطالعاتی هر زمان اهمیتله اوقونه جغندن معلم مومی الیهک ملاحظیات واقعه سنه مع التشکر تمهید ایضاحات ایلرز شویله که :

نسخه مذکورده مندرج مقاله ده بیان ایلدیکی وجهله بعض مؤلفینه کوره اجتماع جرایمه ارتکاب اولنان جرملرک درجاتی متخالف ایسه الک اغر جرملک محا که وتدقیقیله جزانک تحت حکمه النمی کفایت ایدر . مثلاً بر طولاندریحیلقله برشم وتحقیق ور عرضه جبراً تعرض جرملری ایقاع اولنش ایسه طولاندریحیلقله شتم وتحقیق جنحه وجبراً عرضه تعرض دخی جنایت اولدینندن یالکیز جنایت درجه سنده بولنان جرملک تحقیق ومحا که سیله جزاسی حکم ایتک کافی اولوب دیگر جرملرک تحقیقات ومحا کانه وجزا رینک بشقه بشقه تعیین وحکمنه حاجت یوقدر واکر ارتکاب اولنان جرملر عین درجه ده ایسه هر برینک تحقیق ومحا که سی جزالری آری آری تحت حکمه النمی وبوصورتله مقدارجه الک شدید اولان جرملک جزاسی تعیین وتطبیق ایدلمک اقتضا ایدر . چونکه انجق بوسایه ده عین درجه ده بولنان جرایمک اشد مجازاتی حکم اولنق ممکن اولور . مع هذا نتیجه اعتباریله فائده مادیه اکثریا مققود اولق حسیله عین درجه ده بولنان جرایمک تحقیق

و محاکمات مشکلات و بلکه ده بیهوده اشتغالات و قوعی طبیعی اولمقله برابر هر جرمک تحقیق و محاکمه سی صورتیله جزا لرینک بشقه بشقه حکمی دها مصیب اولدیفنی بیان ایتشدک . معلم مومی الیه ایسه جنایت درجه سنده بولنان جرمک تحقیق و محاکمه سیله جزاسنی حکم ایتک کافی اولوب دیگر جرائمک تحقیقات و محاکمات و جزا لرینک بشقه بشقه تعیین و حکمنه حاجت یوقدر بیوردیفنک کبی بر آز آشاییده ارتکاب اولنان متعدد جرائمک درجه سی مساوی اولدیفنی تقدیرده جمله سنک آیری آیری محاکمه سنک اجرایی لازم کیکله برابر تطبیقاته مشکلات و بلکه ده بیهوده اشتغالاته سبب اوله یله جکنی بیات ایله بونی دخی تصویب بیوردیفنکزی سویلیورسکزی . « یولنده ر اعتراضده بولنه رق مطالعه عاجزیده ماینت بولندیفنی ایما ایتک ایستور حالبوکه لزومی قدر تفصیلات و بریلیرسه مقصدک لایقوله اکلایمیدیفنی کورولور . چونکه مطالعاتک بالاسنده بیان اولنوبده اشایسندده تصویب اولنماش بر فکر کورمیورم بناء علیه بوجهت لایقوله اکلایمق ایچون مقاله نک بوکا متعلق فقره لرینک قلی ایجاب ایتدی . دیمشدک که : « جرایم مذکوردهن هانکی سنک جزاسنی مقدارجه دهاشدید اوله جقنی بلا حکم وهله تعیین ایتک هان مستحیل کیدر . بوسیه مبنی عین درجه ده حبس جزاسنی ولوکه متفاوت صورتده مستلزم اولان جرائمک تحقیقات و محاکمات اجراییله جزا لرینی تعیین ایتدکدن صکره مجرم حقنده اشد جزایی حکم ایتک مناسب اوله ییلیر . فرانسه محکمه تمیزینک ۱۸۹۸ تاریخی بعضی قرارلرنده بویولده بعضی مطالعاته تصادف ایدلمش ایسه ده اندن اولکی قرارلرنده بونک خلافی حکملرده واقعدر . بر درجه ده دخی عین نوع جزایی مستلزم اولان بر قاج جرمک قانوناً معین اولان جزاسنی تقدیر و حکم اولندجه مقدارجه هانکی سنک یکدیگرندن دها آخر اولدیفنی تعیین ایتک ممکن اوله میه جفندن مطالعه مذکوره وارد اولمقله برابر تطبیقاتجه راز مشکلات و بلکه ده بیهوده اشتغالاته سبب اوله ییلیر . بونکله برابر نظریات نقطه نظرندن رأی مذکور دها مصیب عد اوله ییلیر « ایسه مته ماینتله اتهام ایدلمک ایستیلان فقره لر بونلردر . ظنجه بونده کوسترلمک ایستیلان ماینت مقصدک اکلایمیه مامسندن منبعث برسوء تفهمدن عسوات اولسه کرکدر . چونکه عین درجه ده بولنان متعدد جرائمک یکدیگرینه قارشو درجه شدتی اکلایمق ایچون بالضروره اوجرملمک کافه سی بشقه بشقه تحقیق و محاکمه ایتک لازم کلدیکنی و جرایم مذکوردهن یالکیز اک شدید جزایی مستلزم اولان جرمک جزاسنی ویرلمک لازم کلدیکندن مجازاتی اهل اولنان دیگر جرائمک تحقیق و محاکمه سنه کوستریلان لزوم تطبیقاتجه نتیجه اعتباریله بیهوده اشتغالاته بادی اولمق ممکن بولندیفنی و مع هذا عین درجه ده بولنان جرائمک جزای اشدیفنی اکلایمق ایچون بویولده حرکت ایتک ضروری بولندیفندن نظریات نقطه نظرندن بتون جرائمک تحقیقات و محاکمات لزوم کوسترلمک حقنده کی رأی و مطالعه مصیب اولدیفنی قبول ایتدک . شو حالده عموم جرائمک تحقیق و محاکمه سنده بر طرفدن بزجه محذوری عد اولنان نقطه لر کوسترلمکله برابر دیگر طرفدن بونک مصیب اولدیفنی بیان ایتش اولدیفنمزدن ماینت مفروضه غیر وارددر . حاصلی صرف نظری بر ملاحظه اولق اوزره دیمک ایسترز که قانونک جزاسنی اهل ایتدیکنی

جرائمک حقوق شخصیه دعواسنی اقامه ایتک آخرک حقوقه طوقمندجه و یا خود جرمه اشتراک و معاونت کبی اسباب سائره تحقق ایتدکجه اوجرمک تحقیق و محاکمه سی محاکم ایچون بیهوده اشتغالاتی موجب اوله ییلیر بوملاحظه مبنی اجتماع جرایمده کافه جرائمک تحقیق و محاکمه سیله جزا لرینک یکان یکان تعیین و حکمی مطلق صورتده لابد اولدیفنی قبول ایتماکله برابر اعتراض واقعک غیر وارد اولدیفنی ادعا ایتیز . چونکه قانون اجتماع جرایمده یالکیز اشد اولان جزانک حکمیله اکتفا اولمق لازم کلدیکنی صراحتاً امر ایتماکله عین زمانده اخف اولان جزا لرک اهلای امر ایتش دیمک اولدیفندن ارتق اجتماع جرایمدن طولانی جزاسنی حکم اوله میه جق اولان بر جرمک تحقیقات و محاکمه کیکله کریمک فائده بی لزوم عد اوله ییلیر . شو قدر که عین درجه ده اولان جرائمک جزا لرینک مقدارجه هانکی سی دها آخر اولدیفنی اکلایمق ایچو هر جرمک آیری آیری تحقیق و محاکمه سنک اجراییله احتیاج مس ایتدیکندن بوکبی جرائمک کافه سی حقنده تحقیقات و محاکمات اجرایی مطلق صورتده قبول ایتدیکمز حالده بالفرض ایکی جنحه و بر جنایت جرمی اجتماع ایتدکده اگرچه حقوق شخصیه دعوی اقامه ایدلماش و شریک جرم دخی بولنماش ایسه جنایت جرمک تعیین مجازاتندن مذکور ایکی جنجه نک مجرد اسباب مشدده قانونیه دن معدود اوله رق جنایت جزاسنک تشدیدینه خدمت ایتک اوزره تحقیق و محاکمه لرینه لزوم کوریلور ایسه بوجهتی قبول ایتیورز . چونکه اولسه اولسه اسباب مشدده تقدیریه دن معدود اوله ییلان جرایم خفیفه مذکوردهن طولانی اک آخر جرمک جزاسنی تشدید ایدوب ایتماک حکمک بد تقدیرینه محولدر . یوقسه جزاسنی اهل اولنان جرایم خفیفه نک دها آخر جرمک تعیین مجازاتنده بهمه حال اسباب مشدده قانونیه دن معدود اولدیفنه دائر قانون جزا و اصول محاکمه جزایه ده صراحت یوقدر . کلهم اعتراضه : اولاً « جنایت و جنحه ایشله مش اولان کیسه یالکیز جنایتله تحت محاکمه یه لنوبده جنجه دن طولانی محاکمه البته التمه التماق لازم کلسه کندوسنه اسناد ولنان جرملردن طولانی مدافعه سی نزع ایدلمش اوله جقنی « بیان بیوریلیور حالبوکه مظلون علیک حق مدافعه سی کندوسنه اسناد اولنان جرمک مرتکبی اولدیفنی ادعا ایله استحصال برائت ایتدکدن عبارت اوله ییله جکندن دها شدید بر جزایه دوچار اولمقله ایکن کندوسندن سؤال اولنمیان دها خفیف بر جرم ایچون حقنده تحقیقات و محاکمات اجرایی طلب و اصراً ایتسی قطعی بر حق مدافعه تشکیل ایتیز و ذاتاً اوندن قات قات شدید اولان جنایت درجه سنده بر جرمدن طولانی تحت محاکمه یه التمش ایکن دها خفیف جنجه درجه سنده بر جرمدن طولانی عدم مجرمیتله برائتی ادعا ایتک غریب کورینور . بوندن قطع نظر قانونک لزوم کوسترمدیکی ر شیئی مظلون علیک بای حال موضوع بحث و محاکمه ایتک ایستمس قاعده جائز اوله ماز . مع هذا بوملاحظه نظریه درکه فنا نه درجه وارد اولور ایسه اولسون ماده صورت قطعی ده اصابتی ادعا اوله میه جقنی تصدیق ایدرز رده : « بویله بر جنایت و برده جنجه ارتکاب ایدن کیسه حقنده یالکیز جنایتسدن طولانی تحقیقات و محاکمات اجرا اولنوب بیوردیفنک کبی جنجه دن طولانی تحقیقات و محاکمات اجرا اولنماز ایسه جنجه ده هدف و بناء علیه متضرر اولان شخصی حقوق شخصیه استحصالندن

منع ايتش اولورز . واقعا حقوق محکمه سنه مراجعتله حقوق شخصيه سنی استحصال ايدم بيله چکی درميان اولنه بيلير سده جهت حقوقيه و جزائيه ده کی اسباب ثبوتيه آره سنده موجود فرقی نظر دفته اله حق اولور ايسه ک حقوق محکمه سنه مراجعتله مجبور قيلد يغمز مدعی شخصيلارک قسم عظمی استحصال حقوقدن محروم براقش اولورز . بيور بيلور بزجه بوملاحظه اساساً وارد اولقله برابر مدعی شخصيلری بوحالده استحصال حقوقدن بتون بتون محروم براقش اوله جقمزی تسليم ايتيز . چونکه برحق هرهانکی بر محکمه دن طلب ودعوی اولنسه بالمحا که تحت حکمه التیق امکانی باقی اولدقچه صاحب دعواک استحصال حقندن مطلق صورته محرومیت کامله بیه دوچار اوله جفی فکری . موافق منطق بوله ميورز .

ثانياً : « جزائی اھال اولنان جرایمک وجودی اسباب مشدده قانونيه دن عد اولنه بيله چکنندن مجرمک بوجرم لردن طولایي محاکمه سی اجرا اولنهرق استحصال برائت ايتدیکی تقدیرده اسباب مشدده مذکورہ رفع ایدلمش اوله جفی بیان اولنیور که ظمنجه بومطالعہ اصلاً وارد دکلدر . چونکه جرائم اجتماعیه ده مجازاتی اھال اولنان جرائمک تعین مجازاتنده هیچ بروقت اسباب مشدده قانونيه دن اوله من چونکه اسباب مشدده قانونيه دن وله بيلمک ایچون مجازاتی اھال اولنان جرایمک ان آغری جزائک تشدیدتی موجب اسباب مشدده قانونيه دن اولدیغنه دائر قانونده صراحت اولق لارمکلیر . حالبوکه نه بزم ونه ده فرانسه جزا و اصول محاکمات جزائیه قانونلرنده بوبابده صراحت یوقدر . بناءً علیه بونده اسباب مشدده قانونيه اساساً موضوع بحث اوله من . مجازاتی اھال اولنان جرائمک اسباب مشدده تقدیریه دن معدود اوله بيله چکی مسئله سی ايسه یوقاری ده بالمناصبه ایضاح ایتدی کمز وجهله اساساً حکامک تقدیرینه عاندر .

رابعاً : « فاعلک حقیقه جنایتی (جزائی اھال اولنان جرم دیمک اوله جق) ارتکاب ایدن مهم ویا بر بشقه سی اولوب اولدیغی و مشترک فاعلری و معینلری بولوب بولمدیغی مجهولیتسه قاله جفی » یولنده درميان اولنسان ادعا او یولده بر معین جرم موجود اولدیغی تقدیرده وارد اوله بیلیر . فقط میدانده هیچ بر شریک و معین جرم یوق ایکن و یا خود بر منوال محرر عین درجه ده بعض جرائمک اشد مجازاتی اکلامق ایستمک کی بر ضرورت موجود دکل ایکن بالآخره او یولده بر شریک ظاهره اخراج اوله بيلمک احتماً . بعیدی اوزرینه جزائی اھال اولنق ایجاب ایدن جرمک تحقیق و محاکمه سنه بیه حال لزوم کوسترمک بی لزوم عد اولنه بیلیر .

خلاصه : بر کیمسه نک اجتماع جرایمده جنایت درجه سنده بر جرم دن طولایي محاکمه و جزا ایدمه اولق ایجاب ایتدکده انق البیان سبب و یا ضرورت اولدیغی حالده جرایم خفیه ایچون دخی بیه حال تحت محاکمه بیه التیمی لزوم قطعیتست استناد ایدلیدی احوال و منافع ثلثه مذکورہ جف القلم سزاوار قبول اوله ماز . بونکله برابر اعتراضات واقعه ملاحظات نظریه جمله سندن اوله رق وارد اوله بیلدیکندن برحاکمک بوایکی رأیدن هانکی سینه توفیق حکم و معامله ایتش اولسه مغایر قانون حرکت ایتش عد اولنهمیه جفی بدیهی و معلم مووی الیه کی

ارباب وفوف و اختصاصک بواکی مباحث دقیقہ نظریه یی استفاده گاه عمومی به وضعه دوم همتلری آرزو و تمنی اولنق طبیعیدر .

معلم محمد عزیز

مناسرت ولای استیناف محکمه سی اعضا سندن نیقولا کی لوغوشنی افندی امضاسیله مورود ورقه ده اصول محاکمات جزائیه قانوننک ۳۲۲ نجی و ۳۲۳ و ۳۲۵ نجی ماده لرنندن بحثله :

- ۱ — محاکم استینافیه دن صادر اولان اعلامات غایبه نک تمیزی جائز اولوب اولادیغی ،
- ۲ — مبدأ تمیز نه صورته اعتبار ایدیه چکنک و مستدعی تمیز آخر محله بولدیغی صورته تمیز استندا نامه سی هانکی محکمه قلمنه ویرلمی لازم کله چکنک و مدت قانونیه نه صورته محافظه اولنه بيله چکنک بوبابده استناد ایدیه چک مواد قانونیه ایل بر لکده توضیحی طلب ایدلکده در .

— ۱ —

اصول محاکمات جزائیه قانوننک ۱۴۰ ، ۱۷۱ ، ۱۷۲ ، ۱۹۰ نجی ماده لری صراحتندن اکلشیدیغی اوزره قباحت و جنحه موادنده غیباً لاحق اولان حکملر تاریخ تبلیغدن اعتبار ایدلمک اوزره علاقه دارلری بر طرفدن اعتراض علی الحکم صورته عین محکمه بیه ، دیگر طرفدن حکمک درجه سی اعتباریله استیناف و تمیز محکمه رینه مراجعتله صلاحیت قانونیه لری اولدیغی کی استینافاً لاحق اولان احکام حقنده دخی سینه تاریخ تبلیغدن اعتبار اولنق صورته حکم غایبی علیه اعتراض و یا تمیز دعوی جائز اولور .


اصولک ۳۱۳ ، ۳۱۹ ، ۳۲۰ ، ۳۲۲ ، ۳۲۴ نجی ماده لرننده بحث ایدلکده اولان « قطعی وصول درجه ده » تعبیر لرنندن کرچه بر اعلامک قابل تمیز اوله بيلمسی بعض ارباب حقوقه قباحتیه دائر اولدیغی حالده درجه اولی و جنحه موادنده درجه ثانیه محکمه لرنجه و جاهاً و یا اعتراض علی الحکم اوزرینه غیباً لاحق اولمسنه متوقف اولمسیله کرک قباحتیه متعلق درجه اولی و کرک جنحه موادینه متدائر درجه ثانیه محکمه سندن لاحق اولان حکم غیبیلردن طولایي اعتراض علی الحکم طریق کشاده اولدقچه تمیز طریقته مراجعت ایدیه بیه چکی کی بر فکر حاصل اولقده ايسه ده دعوی جزائیه نک بر قسمی قابل استیناف و بر قسمی ده قطعی یعنی قابل تمیز اولق اوزره ایکی نوع اولوب کرک قباحت دعوالری و کرک درجه ثانیه ده رؤیت اولنان جنحه موادی

صوك درجده ویرلمش حکملردن اولسنه ودرجه اولی ده رؤیت اولنان جنحه موادینک ایسه قابلیت استینافیه لری بولمغله بو قییل احکامدن معدود اولماسنه بناءً آلف البیان موادده « صوك درجده ویرلان حکم وقرارلر » تعبیر قانو نیسندن مقصد صلح محکمه سی صفتیه رؤیت اولنان قباحت دعوالری مستثنا اولدینی حالده علی الاطلاق قباحت موادی ایله استینافاً صادر اولان جنحه اعلاماته شامل اولمغله بو حکملر ایستر وجاهاً ایستر غیاباً ویرلمش اولسون کافه سی صوك درجده اعطا ایدلمش احکام قطعیه دن اولمغله قابلیت تمیزیه لری اولدینی درکار و ۳۲۵ نجی ماده سنده اعلام تمیزیه غیاباً ویرلمش ایه تمیز جزای تقدیسینک ایکی بحق لیرادن عبارت اوله جفتک صورت مطلقه مصرح بولمشی ده بو جهتی مؤید اولدینی بدیدار اولمغله محاکم استینافیه دن غیاباً لاحق اولان حکملرک قابلیت تمیزیه لری موجود اولدینی جای اشتباه دکلدر .

محکمه تمیزک اوتهدنبری اتخاذ ایش و صراحت مسروده قانونیه کو تعدیلی مأمول ومنتظر بولمیش اولان اجتهادی غیاباً ویرلمش اولان بر اعلام علیه اعتراض علی الحکم طریق موجود اولدینی حالده طوغریدن طوغری به تمیزه مراجعت اولنه میه جنی مرکزنده اولمغله بویاده ویرلان مستدعیات تمیزیه بوسیدن طولانی رد اولمقدردر .

۲ -

تمیز مدتک مبدأه کلنجه ، جنحه و قباحت فصللرنده میریا متروندن بحث ایدلمکده اولسنه و تمیز فصلنک یالکز اوچوز یکریمی دردنجی ماده سنده مدعی عمومیلر ایله مدعی شخصیلر طرفندن تمیز استدعا نامه سی ویرلدیکی تقدیرده صورتنک محکوم علیه حین تبلیغنده میریا مترو ایله حساب ایدیله جکی کوسترلسمنه نظراً تمیز استدعا نامه سی اعلام تمیزیه غیابی اعطا ایدن محکمه به آخر محله بوتان محکوم طرفدن کوندردلیدی صورتده او محکمه قلمنه بالوصول دفتر مخصوصه قیدی تاریخی ایله تبلیغ تاریخی بهر میریا مترو ایچون ایکی کون ضم ایدلمک شرطیه حساب ایدلمک لازم کلیر .



محبوسیت نامشروعیه قارشی حریت شخصیه نك صورت وقایه سی

[مابعد]

اوتاریخدن صکره قانوناً صلاحیتدار اولان بر مقامدن اصولی دائره سنده امر تحریری صادر اولمادقه هیچ بر کیمسه نك حبس و توقیف اولنه مایه جنی قاعده سی قبول ایدیلهرک تشتت زمانلرنده هیچه صاییلان بوقسم

حقوق ، ید محافظ قانونه تودیع بیورلدی . [حکومت زائله نك خط حرکت سقیمه سی بزم وجهه تبعمزدن خارجدر] قانون اساسیمزک ایلمک جمله سی « تبعه عثمانیه نك حقوق عمومیه سی » نه حصر اولنان مواد صریحه و محکمه یی احتوا ایدیور : بولردن طقوزنجی ماده ده « عثمانیلرک کافه سی حریت شخصیه لرینه مالک و آخرک حقوق حریتنه تجاوز ایتمه مکله مکلفدر » دنیلهرک حق ایله وظیفه نك نقاط ابتدائی و انتهایه لری کوسترلش بویله جه فردک حقوق مشروعه سنه مراعات ، دیگر لر ایچون بروطفه قانونیه عد اولمشدر .

قانونک اونجی ماده سیله ؛ حریت شخصیه نك هر درلو تعرضدن مصون اولدینی ، کیمسه نك قانونک تعیین ایتدیکی سبب و صورتدن ماعدا برهانه ایله مجازات اولنه میه جنی کوسترلدیکی کبی لازمه عمران و تمدن اولان حقوق تصرفیه ایله مصونیت اقامتگاه خصوصاتی دخی یکریمی برویکریمی ایکنجی ماده لرله تأمین اولمش ، یکریمی اوچنجی ماده ایله هر کسک قانوناً منسوب اولدینی محکمه دن بشقه بر محکمه یه کیمکه مجبور بولمادینی ، یکریمی دردنجی ماده ایله تاریخمیزک قارائلق صحیفه لرینی تشکیل ایدن مصادره ، انغاریه و جریمه اصوللرینک ممنوعیتی تصریح اولنهرق یکریمی بشنجی ماده ایله قانونسز ویرکو طرحنک ممنوعیتنه ، یکریمی التنجی ماده ایله دخی اشکنجه واذیتک الغاسنه موفقیق حاصل اولمشدر .

اصول محاکمات جزائییه قانونه توجه ایدن نظرلر ؛ بو اساس اوزرینه ده واضح ، ده مرئی دساتیره تصادف ایده جکلدر . قانونک محبوسیت نامشروعیه قارشی حقوق شخصیه نك صورت وقایه سنه متدائر بولنان فصلنک احتوا ایلدیکی درت ماده نك تدقیق مندرجاتندن ؛ حکومتجه توقیفخانه و یا حبسخانه اتخاذ اولنمیان برلرده برینک حبس و توقیف اولدینی استخبار ایدیلر ایدلر کیفیتک همان مدعی عمومی و یا مستنطقه و یا خود ضابطه اداره سنه خبر ویرلمی مجبوری تحمیل د (۲۶۰) نجی ماده ایله مأمورین مومی الیهک بویله بر خبر آلدقاری زمان درحال حبسخانه محله عزیمتله محبوسی صالیوردر برمه و یا فعلنک متعلق اولدینی محکمه یه کوندردمه مجبور بولندقلری تذکار اولنیور . قانون ، عندالحاجه محبوسی قورتارمق ایچون مأمور مکلفه ۲۶۱ نجی ماده صراحتیه قوه مسلحه استحضارینه صلاحیت ویردیکی کبی انی ولی ایدن ماده سیله دخی توقیفخانه و حبسخانه بکچیلرینک امور انضباطیه مأمورلرینه موقوف و محبوسینی کوسترمکلری و یادقتر ابرازندن اجتناب یا خود استمساخه مخالفت ایلدکلری صورتده بو کبی آدملرک بغیر حق حبس اشخاص فعلنک فاعلی و یا معینی نظریله باقیلهرق تحت محاکمه یه آله جقلرینی بیان ایلور .

موضوعات قانونیه مزدن صدد بجمیزه تعلق ایدن پارچه لر ؛ بولردن عبارت کیدر . ظن ایدرسه م قوانیمیزک احتوا ایلکده اولدینی مسائلدن پک آزی بودرجه نظر اهمیتله کورلمش ، اوزرنده بورتبه اعمال فکر و نظر ایدلمشدر . بونک اسباب موجبیه سی آز بر تدقیقه نمایان اولور . چونکه حکومات متمدنه ده ثروت و عمرانک ، رفاه و سعادتک ، خلاصه تکامل اجتماعی و ادارینک رکن رکینی محفوظیت و مصونیت شخصیه قضیه

لازم الرایہ سیدر . قانون قارشوسندہ رعایتکار ، وظیفہ مواجہہ سندہ مواظبتکار اولان آدملر ، بشقہ لرینک مکر و حیلہ لرینہ ، تعرض و تجاوز لرینہ مقابل قانونک ایی آدملرہ بخش ایلدیکی بوامتیارانہ استناد ایدہ بیلر لر سہ البتہ مملکتہ حرمتلری ، احکام قوانینہ مراعاتلری ، تکامل ملی بہ درجہ تعالی لری اور تبہ بالاتر اولور . مصونیت شخصیہ نک سطور قوانینہ نقلیلہ اکتفا اولندیغی برلرده ایسہ شوق وسعادت بشر ، خواهش واقدام اتم نقش بر آب قیلندندر . حقوق عامہ نک محفوظیتی بویله فعلاً تأیید اولنمان محللرده افراد بر کسل ممد ایچندہ عمر گذار اولور . قانونہ رعایتی برانقریہ ، مملکتک سعادتہ خدمتی بر امر زائد عد ایدرک قواسندن یک آرنی - اوده کرہا - بوجہتہ صرف ایدرو بانیجہ مملکتک خیر وسلامتہ انعطاف ایدن نظر لر سونوک ، املاز ضعیف ، امیدلر قیصہ اولور .

عثمانلی وطن مشترکنده یشایان افرادک خارج و داخلک مداخلات غیر محقانه سنہ قارشق قانونک آغوش مدافعہ سنہ صیغتمقلہ فلاح بولدیغی زمانلری کورمک هیچ شہسز سعادت مستقبلہ مزک بشارت خیر و صلاحی ادراک ایلکدر .

جریده عدلیہ محرر لرندن

م . اشرف

